

# 佛藏經

姚秦三藏法師鳩摩羅什譯



南無本師釋迦牟尼佛

## 說 明

本繁體校正版《佛藏經》電子書，根據《乾隆大藏經》大乘律部，第 1090 部，姚秦三藏法師鳩摩羅什譯《佛藏經》影印本校正，句讀及注音僅作參考。

本電子書是免費結緣品。特此說明。

仁慧草堂

二〇二〇年六月



掃碼關注仁慧草堂微信公眾號



# 目 录

起誦儀 .....	- 1 -
香讚 .....	- 1 -
淨口業真言 .....	- 1 -
淨三業真言 .....	- 1 -
安土地真言 .....	- 1 -
普供養真言 .....	- 2 -
開經偈 .....	- 2 -
佛藏經卷第一 .....	- 3 -
諸法實相品第一 .....	- 3 -
念佛品第二 .....	- 10 -
念法品第三 .....	- 16 -
念僧品第四 .....	- 20 -
佛藏經卷第二 .....	- 30 -
淨戒品第五 .....	- 30 -
佛藏經卷第三 .....	- 52 -
淨法品第六 .....	- 52 -
往古品第七 .....	- 59 -
淨見品第八 .....	- 69 -
佛藏經卷第四 .....	- 84 -
了戒品第九 .....	- 84 -
囑累品第十 .....	- 96 -
結誦儀 .....	- 108 -
補闕真言 .....	- 108 -
補闕圓滿真言 .....	- 108 -
普回向真言 .....	- 108 -
禮佛發願文 .....	- 109 -
迴向偈 .....	- 110 -
三皈依 .....	- 111 -

## ● 起誦儀

### 香讚

(一徧)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

### 淨口業真言

(三徧)

唵. 修唎. 修唎. 摩訶修唎. 修修唎. 薩婆訶.

### 淨三業真言

(三徧)

唵. 娑嚩. 婆嚩秫馱. 娑嚩達摩娑嚩. 婆嚩秫度憾.

### 安土地真言

(三徧)

南無三滿多. 母馱喃. 唵. 度嚕度嚕. 地尾. 娑婆訶

## 普供養真言

(三徧)

唵. 誚誚曩. 三婆嚩. 禡日囉斛.

南無本師釋迦牟尼佛 (合掌三稱)

## 開經偈

(一徧)

無上甚深微妙法 百千萬劫難遭遇  
我今見聞得受持 願解如來真實義



# 佛藏經卷第一<sup>1</sup>

姚秦三藏法師鳩摩羅什譯<sup>2</sup>

## 諸法實相品第一

如是我聞：

一時，佛住王舍城耆闍崛山中，與大比丘僧俱，皆是眾所知識，及無邊大菩薩摩訶薩眾，無量無數。

爾時，舍利弗從三昧起，行詣佛所，偏袒右肩，頭面作禮，白佛言：「希有！世尊！如來所說一切諸法無生無滅、無相無為，令人信解。」

佛告舍利弗：「汝見何利歎言希有，如來所說一切諸法無生無滅、無相無為，令人信解？」

舍利弗白佛言：「世尊！我在靜處每作是念：『世尊乃於無名相法以名相說，無語言法以語言說。』思惟是事生希有心。」

佛告舍利弗：「如是！如是！是事希有！第一希有！謂是諸佛阿耨多羅三藐三菩提。舍利弗，如<sup>3</sup>巧畫<sup>4</sup>師，畫於虛空現種種色相。於意云何，

<sup>1</sup> 麗藏：佛藏經卷上（奉入龍華經一名選擇諸法）

<sup>2</sup> 麗藏：姚秦龜茲三藏鳩摩羅什譯

<sup>3</sup> 麗藏：譬如；永樂北藏及龍藏：如

<sup>4</sup> 麗藏：畫；永樂北藏：畫；龍藏：盡；校勘：畫

是畫師者為希有不？」

「希有！世尊！」

「舍利弗，如來所得阿耨多羅三藐三菩提，說一切法無生無滅、無相無為，令人信解，倍為希有。所以者何？無名相法，無念無得，亦無有修，不可思議，非心所依，無有戲論，非是戲論所可依止；無覺無觀，無有所攝，不在於心，非得所得，無此無彼，無有分別，無動無靜<sup>5</sup>，本來自空，不可念，不可出，一切世間所不能信，如是無名相法以名相說。如是，舍利弗，一切諸法無生無滅、無相無為，令人信解，倍為希有。」

「舍利弗，譬如有人，嚼咽須彌能令消盡，飛行虛空不以為患，於意云何，為希有不？」

「希有！世尊！」

「舍利弗，諸佛所說一切諸法無生無滅、無相無為，令人信解，倍為希有。舍利弗，譬如火城，縱廣深淺各一由旬，四門出燄，人負乾草於中而過，猛風吹燄燒博<sup>6</sup>其身，是人能令火不燒草及不燒身，於中得出如本不<sup>7</sup>異。於意云何，為希有不？」

<sup>5</sup> 麗藏：性；永樂北藏及龍藏：靜

<sup>6</sup> 麗藏：爆；永樂北藏及龍藏：博

<sup>7</sup> 麗藏：無；永樂北藏及龍藏：不



「希有！世尊！」

「舍利弗，如來所說一切諸法無生無滅、無相無為，令人信解，倍為希有。舍利弗，譬如有人，以石為棧，從海此岸度至彼岸。於意云何，為希有不？」

「希有！世尊！」

「舍利弗，如來所說一切諸法無生無滅、無相無為，令人信解，倍為希有。舍利弗，譬如有人，負四天下及諸須彌、山河草木，以蚊脚為梯<sup>8</sup>，至於<sup>8</sup>梵天。於意云何，為希有不？」

「希有！世尊！」

「舍利弗，如來所說一切諸法無生無滅、無相無為，令人信解，倍為希有。舍利弗，譬如藕絲，懸須彌山在於虛空。於意云何，為希有不？」

「希有！世尊！」

「舍利弗，如來所說一切諸法無生無滅、無相無為，令人信解，倍為希有。舍利弗，譬如劫盡大火燒時，人以一唾能滅此火，又以一吹還成世界及諸天宮。於意云何，為希有不？」

「希有！世尊！」

「舍利弗，如來所說一切諸法無生無滅、無

<sup>8</sup> 麗藏：登至；永樂北藏及龍藏：陞，至於



相無為，令人信解，倍為希有。舍利弗，恒河廣大，為無量不？」

「如是。世尊！」

「舍利弗，四天下中，普雨大雨，滴<sup>9</sup>如恒河，有人以手承此雨滴<sup>10</sup>，無所遺落。於意云何，為希有不？」

「希有！世尊！」

「舍利弗，如來所說一切諸法無生無滅、無相無為，令人信解，倍為希有。舍利弗，須彌山王為高大不？」

「高大。世尊！」

「舍利弗，四天下中，普雨大石皆如須彌，有人以手承接此石，無有遺落如芥子者。於意云何，為希有不？」

「希有！世尊！」

「舍利弗，如來所說一切諸法無生無滅、無相無為，令人信解，倍為希有。舍利弗，譬如有人，以一切眾生置左手中，右手接舉三千世界山河草木，皆能令是一切眾生同心喜樂其意不異。於意云何，為希有不？」

「希有！世尊！」

<sup>9</sup> 麗藏：滂；永樂北藏及龍藏：滴

<sup>10</sup> 麗藏：滂；永樂北藏及龍藏：滴

「舍利弗，如來所說一切諸法無生無滅、無相無為，令人信解，倍為希有。」

「舍利弗，如來所說諸法無性、空無所有，一切世間所難信解。何以故？舍利弗，是法無相<sup>11</sup>離諸相<sup>12</sup>、無念離諸念、無取無捨、無戲論無惱熱，非此岸非彼岸非陸地、非癡非明，以無量智乃可得解，非以思量所能得知。無行無相、無有惱熱、無念過諸念、無心過諸心、無向無背、無縛無解、無妄無妄法、無癡無癡法、無有疑<sup>13</sup>網、無名無言、無說無不說、無盡無不盡、無行無行相、無道無道果、無離過諸離、無思惟無親疎<sup>14</sup>，不取不捨，無得不可得。除諸諦<sup>15</sup>、除貪恚癡，非實非虛妄、非常非無常、非明非不明、非闇非照，不在心，無有性，性本空。能降伏魔、降伏煩惱、降伏五陰、降伏十二入、降伏十八界、降伏說有五陰者、降伏說有十二入者、降伏說有十八界相<sup>16</sup>者，降伏說有眾生者、說有人者、說有壽者、說有命者、說有有者、說有無者，降伏一切諸邪行者。

<sup>11</sup> 麗藏：想；永樂北藏及龍藏：相

<sup>12</sup> 麗藏：想；永樂北藏及龍藏：相

<sup>13</sup> 麗藏：癡；永樂北藏及龍藏：疑

<sup>14</sup> 麗藏：雜糅；永樂北藏及龍藏：親疎

<sup>15</sup> 麗藏：滯着；永樂北藏及龍藏：諦

<sup>16</sup> 麗藏：界；永樂北藏及龍藏：界相



「舍利弗，我此聖法，皆能降伏一切貪著，乃至說有法者、不信樂諸法如實相者、逆佛法者。所以者何？舍利弗，若有眾生說我者、說人者、說眾生者、說斷滅者、說常者、說有者、說無者、說法<sup>17</sup>者、說假名者、說邊者，皆違逆佛，與佛共諍。舍利弗，乃至於法少計<sup>18</sup>得者，皆與佛諍；與佛諍者皆入邪道，非我弟子；若非我弟子，即與涅槃共諍、與佛共諍、與法共諍、與僧共諍。

「舍利弗，如是見人，我則不聽出家受戒。舍利弗，如是見人，我則不聽受一飲水以自供養。

「舍利弗，若人除捨如是不善貪著事者，於我法中出家求道，不念涅槃，不以涅槃為念、不貪涅槃，於畢竟空法，不驚不畏，是人尚為斷諸法故勤行精進，何況如是不善貪著，謂著我、著眾生、著人、著法。是人為斷諸貪著故，但勤修習無相三昧，於無相三昧亦不取相，是人通達一切諸相<sup>19</sup>皆是一相，所謂無相。

「舍利弗，是則名為於聖法中柔順法忍。得是柔順法忍，乃名是我弟子，能消供養不空受身。

<sup>17</sup> 麗藏：諸法；永樂北藏及龍藏：法

<sup>18</sup> 麗藏：許；永樂北藏及龍藏：計

<sup>19</sup> 麗藏：法相；永樂北藏及龍藏：相



所以者何？舍利弗，我是真實相法，不可入、不可取、不可捨、不可貪、不可說，斷言說<sup>20</sup>道。無歡無喜斷貪喜心，非眾緣合離眾因緣，無道斷道至於無道，斷諸語言、論議、音聲，無形無色、無取無著無用、無實無妄、無闇無明、無壞無淨、無合無散、無動無念、無有分別，不可得示。非垢非淨、非名非相、非心數法、非心所解。我此法中無男無女、無天無龍、無夜叉、無乾闥婆、無鳩槃荼、無毗舍闍、無斷無常、無我無眾生無人、無來無去、無出無入、無戒無犯、無淨無垢、無有三昧、無定無定根、無禪無禪根、無知無見、無貪無淨、無道無道果、無慧無慧根、無明無非明、無解脫無非解脫、無果無得果、無力無<sup>21</sup>非力、無所畏無無所畏、無念無念根、無坐無行無有威儀、無此無彼、無憶想分別、無菩提無菩提分、無智無非智、無地無水無火無風、無罪無福、無法無非法、無苦無樂，拔諸一切戲論根本，一切永離，令<sup>22</sup>而無相<sup>23</sup>。

「舍利弗，舉要言之。我法悉破一切諸念、一切諸見、一切諸結、諸增上慢；不念一切諸所

<sup>20</sup> 麗藏：語言；永樂北藏及龍藏：言說

<sup>21</sup> 麗藏：無力；永樂北藏及龍藏：力無

<sup>22</sup> 麗藏：冷；永樂北藏及龍藏：令

<sup>23</sup> 麗藏：烟；永樂北藏及龍藏：相

憶念，除斷一切種種語言。我是法中無常無無常、無苦無樂、無垢無淨、無斷無常、無我無眾生、無人無壽者無命者、無生無滅。何以故？舍利弗，如來於法都無所得有所滅，故名為涅槃，亦不見有得涅槃者。

「舍利弗，佛亦不念涅槃，不以涅槃為念，亦不貪著涅槃。是故當知，是為第一奇特希有，所謂如來說一切法無生無滅、無相無為，令人信解，倍為希有。」

## 念佛品第二

爾時，舍利弗白佛言：「世尊！於此法中云何為惡知識？云何為善知識？」

佛告舍利弗：「若有比丘教餘比丘：『比丘，汝當念佛、念法、念僧、念戒、念施、念天。比丘，汝當觀身，取是身相，所謂不淨；當觀一切諸有為法，皆悉無常；觀一切法空、無有我。比丘，汝當以<sup>24</sup>所緣相繫心緣中，專念空相，當樂善法；當取不善法相，取不善法相已，為令斷故觀念修習，謂為斷貪欲觀不淨相，為斷瞋恚觀慈心相，為斷愚癡觀因緣法，常念淨戒，深取空相，

<sup>24</sup> 麗藏：取；永樂北藏及龍藏：以



勤行精進；為得四禪，專心求道，觀不善法皆是衰惱，觀於善法最是安隱，一心修道，分別諦觀善、不善法，諦取相已，一心思惟<sup>25</sup>觀涅槃安隱寂滅，唯愛涅槃畢竟清淨。』如是教者名為邪教，謂是正教而是邪教。舍利弗，如是教者名惡知識。是人名為誹謗於我，助於外道，亦為他人說邪道法。舍利弗，如是惡人，我乃不聽受一飲水以自供養，我說教者不說受者。舍利弗，於我法中多有如是增上慢教。

「舍利弗，若受教者受戒五歲，不能悉捨如是所教，於是教中勤心精進，自有得無所有比丘，不往請<sup>26</sup>問。我說此人，雖有五歲，猶名邪見，雜外道法順行魔事<sup>27</sup>。」

「舍利弗，若有比丘受是教已，聞空無所得法即自覺知，我先受者皆是邪見，於空無所得法無疑無悔，深入通達，不依一切我見、人見。舍利弗，我說此人名為<sup>28</sup>清淨梵行。」

「舍利弗，若有比丘成就如是無所得忍，雖現未得無餘涅槃，我記是人，彌勒佛時當在初會。時，彌勒佛歡喜三唱：『是人能於釋迦牟尼佛法

<sup>25</sup> 麗藏：唯；永樂北藏及龍藏：一心思惟

<sup>26</sup> 麗藏：諮；永樂北藏及龍藏：請

<sup>27</sup> 麗藏：教；永樂北藏及龍藏：事

<sup>28</sup> 麗藏：為得；永樂北藏及龍藏：為



中，成就無所得忍。』舍利弗，若在家出家成就此忍，我說<sup>29</sup>是人必得涅槃。

「舍利弗，若有人受如是教已，聞空無所得法即時驚畏，是人可愍，無有救者，無有依者，直趣地獄。何以故？舍利弗，於佛教中驚疑畏者，是人則為具足惡道。所以者何？我常自說，有所得者是惡道分。何以故？舍利弗，佛所得法無有差別是與非是，若可差別，是有所得。

「舍利弗，人寧成就五逆重罪<sup>30</sup>，不成就我見、眾生見、人見、壽見、命見、陰入界見、貪著持戒著持戒見、貪著三昧著三昧見、依於佛相<sup>31</sup>得於法相<sup>32</sup>、於僧斷事成就身見。何以故？於佛法中成就身見不在僧數。舍利弗，佛弟子眾心無分別。舍利弗，佛弟子眾無不善者、無破戒者、無破見者、無破威儀者。

「舍利弗，何等為惡不善？」

佛告舍利弗：「於<sup>33</sup>佛法<sup>34</sup>中不在僧數，名惡不善。謂心心數法與諸緣合，無真實事但作分別，以分別故計有所得。是人乃至所有說言<sup>35</sup>，心心

<sup>29</sup> 麗藏：記；永樂北藏及龍藏：說

<sup>30</sup> 麗藏：惡；永樂北藏及龍藏：罪

<sup>31</sup> 麗藏：想；永樂北藏及龍藏：相

<sup>32</sup> 麗藏：想；永樂北藏及龍藏：相

<sup>33</sup> 麗藏：於；永樂北藏及龍藏：佛告舍利弗：「於

<sup>34</sup> 麗藏：眾；永樂北藏及龍藏：法

<sup>35</sup> 麗藏：言說；永樂北藏及龍藏：說言

相續，乃至善、不善法於聖法中名惡不善。何以故？舍利弗，所有樂處中必有苦，如來法者滅是苦樂。

「舍利弗，如來所得，是中無欲亦無非欲、無樂無苦、無思無想無修，乃至亦無空相<sup>36</sup>。何以故？舍利弗，若計空相<sup>37</sup>，即是我相<sup>38</sup>、眾生相<sup>39</sup>者，是常相<sup>40</sup>者，是斷相<sup>41</sup>者。何以故？舍利弗，隨所有想則生諸相<sup>42</sup>，是皆墮邪。

「舍利弗，空名無念，是名為空；空念亦空，是名為空。舍利弗，空中無善無惡，乃至亦無空相<sup>43</sup>，是故名空。舍利弗，諸有為法可知可解，空非可知、亦非可解、非可思量，是故名空。舍利弗，空相<sup>44</sup>非念得。何以故？空無相<sup>45</sup>故，是故名空。

「舍利弗，何故說行空行？」

佛告舍利弗：「不<sup>46</sup>念一切諸相<sup>47</sup>，乃至空相<sup>48</sup>

<sup>36</sup> 麗藏：想；永樂北藏及龍藏：相

<sup>37</sup> 麗藏：想；永樂北藏及龍藏：相

<sup>38</sup> 麗藏：想；永樂北藏及龍藏：相

<sup>39</sup> 麗藏：想；永樂北藏及龍藏：相

<sup>40</sup> 麗藏：想；永樂北藏及龍藏：相

<sup>41</sup> 麗藏：想；永樂北藏及龍藏：相

<sup>42</sup> 麗藏：想；永樂北藏及龍藏：相

<sup>43</sup> 麗藏：想；永樂北藏及龍藏：相

<sup>44</sup> 麗藏：空；永樂北藏及龍藏：空相

<sup>45</sup> 麗藏：想；永樂北藏及龍藏：相

<sup>46</sup> 麗藏：不；永樂北藏及龍藏：佛告舍利弗：「不

<sup>47</sup> 麗藏：想；永樂北藏及龍藏：相

<sup>48</sup> 麗藏：想；永樂北藏及龍藏：相



亦復不念，是名空行。

「舍利弗，相<sup>49</sup>名乃至心有所念，即名為想。無所念者乃名無想，離諸想故名為無想。隨所取想，皆是邪見。何以故？舍利弗，於聖法中計得寂滅，皆墮邪見！何況言說？何況說者？如是空法以何可說？

「舍利弗，諸佛何故說諸語言皆名為邪？」

佛告舍利弗：「不<sup>50</sup>能通達一切法者，是則皆為言說所覆，是故如來知諸語言皆為是邪，乃至少有語言<sup>51</sup>不得其實。

「舍利弗，諸佛阿耨多羅三藐三菩提皆是無相<sup>52</sup>無念。何以故？如來於法不得體性，亦不得念。

舍利弗言：「如來<sup>53</sup>何故說有念處？」

佛告舍利弗：「經說<sup>54</sup>若人得四念處，是人能得諸法體性，能得自身、得我、得人，無有是處。示法別相空故，說四念處。四念處性，無性、無處、無念、無說、無有貪著。念性尚無，何況念處？是故如來說名念處。舍利弗，諸法若有決定

<sup>49</sup> 麗藏：想；永樂北藏及龍藏：相

<sup>50</sup> 麗藏：不；永樂北藏及龍藏：佛告舍利弗：「不

<sup>51</sup> 麗藏：言語；永樂北藏及龍藏：語言

<sup>52</sup> 麗藏：想；永樂北藏及龍藏：相

<sup>53</sup> 麗藏：「舍利弗，如來；永樂北藏及龍藏：舍利弗言：「如來

<sup>54</sup> 麗藏：舍利弗，經說；永樂北藏及龍藏：佛告舍利弗：「經說



體性如析毛髮百分一者，是則諸佛不出於世，亦終不說諸法性空。舍利弗，諸法實空無性，一相所謂無相，如來悉見，如來以是說有念處。

「舍利弗，念處名為無處、念<sup>55</sup>無非處、無念無念業、無相<sup>56</sup>無分別、無意無意業、無思無思業、無法無法想<sup>57</sup>，皆無合散，是故賢聖名為無分別者，是名念處。如來以是說有念處，隨順念<sup>58</sup>無所有故名為念處；隨順念佛名為念處。

「舍利弗，云何名為念佛？」

佛告舍利弗：「見<sup>59</sup>無所有名為念佛。舍利弗，諸佛無量、不可思議、不可稱量，以是義故，見無所有名為念佛。實名無分別，諸佛無分別，以是故言念無分別即是念佛。復次，見諸法實相名為見佛。何等名為諸法實相？所謂諸法畢竟空無所有，以是畢竟空無所有法念佛。復次，如是法中，乃至小念尚不可得，是名念佛。舍利弗，是名<sup>60</sup>念佛法斷語言道，過出諸念，不可得念，是名念佛。

「舍利弗，一切諸念皆寂滅相，隨順是法，

<sup>55</sup> 麗藏：處；永樂北藏及龍藏：處、念

<sup>56</sup> 麗藏：想；永樂北藏及龍藏：相

<sup>57</sup> 麗藏：相；永樂北藏及龍藏：想

<sup>58</sup> 麗藏：隨順；永樂北藏及龍藏：隨順念

<sup>59</sup> 麗藏：見；永樂北藏及龍藏：佛告舍利弗：「見

<sup>60</sup> 麗藏：是；永樂北藏及龍藏：是名

此則名為修習念佛。不可以色念佛。何以故？念色取相貪味為識，無形、無色、無緣、無性，是名念佛。是故當知，無有分別，無取無捨，是真念佛。」

### 念法品第三

爾時，舍利弗白佛言：「世尊！云何為人亦說是法為惡知識？世尊！云何為人亦說是法為善知識？」

佛告舍利弗：「若有比丘教他比丘：『比丘，汝今當知念佛事空，念所緣處是不應念，汝所念空念亦復空。是無性空能斷色相<sup>61</sup>，能斷取相<sup>62</sup>。』是人爾時不得無相<sup>63</sup>，何況於念？是人爾時都無所有，寂滅無性，不集諸相<sup>64</sup>，滅一切法，是則名為修習念佛。念佛名為破善、不善一切覺觀，無覺無觀、寂然無相<sup>65</sup>名為念佛。何以故？不應以覺觀憶念諸佛，無覺無觀名為清淨念佛。於此念中乃至無有<sup>66</sup>微細心心念業，況身、口業？又念佛者離諸相<sup>67</sup>，諸相<sup>68</sup>不在心，無分別，無名字，

<sup>61</sup> 麗藏：想；永樂北藏及龍藏：相

<sup>62</sup> 麗藏：想；永樂北藏及龍藏：相

<sup>63</sup> 麗藏：想；永樂北藏及龍藏：相

<sup>64</sup> 麗藏：想；永樂北藏及龍藏：相

<sup>65</sup> 麗藏：想；永樂北藏及龍藏：相

<sup>66</sup> 麗藏：乃至無有；永樂北藏及龍藏：乃至無有

<sup>67</sup> 麗藏：想；永樂北藏及龍藏：相



無障礙，無欲無得，不起覺觀。何以故？舍利弗，隨所念起一切諸相<sup>69</sup>皆是邪見。

「舍利弗，隨無所有、無覺無觀、無生無滅，通達是者名為念佛。如是念中，無貪無著、無逆無順、無名無相<sup>70</sup>。舍利弗，無想無語乃名念佛，是中乃無微細小念，何況麤身、口、意業？無身口意業處、無取無捨<sup>71</sup>、無諍無訟、無念無分別，空寂無性，滅諸覺觀，是名念佛。

「舍利弗，若人成就如是念者，欲轉四天下地，隨意能轉；亦能降伏百千億魔，況蔽<sup>72</sup>無明從虛誑緣起無決定相？是法如是無相<sup>73</sup>無戲論、無生無滅、不可說不可分別、無闇無明；魔若魔民所不能測，但以世俗言說有所教化，而作是言：

『汝念佛時莫取小相<sup>74</sup>，莫生戲論，莫有分別。何以故？是法皆空，無有體性，不可念，一相所謂無相，是名真實念佛，所謂無生、無滅、無相<sup>75</sup>。何以故？如來不名為色、不名為相<sup>76</sup>、不名為念、不名分別、不逆不順、不取不捨、非定非慧、

<sup>68</sup> 麗藏：想；永樂北藏及龍藏：相

<sup>69</sup> 麗藏：想；永樂北藏及龍藏：相

<sup>70</sup> 麗藏：想；永樂北藏及龍藏：相

<sup>71</sup> 麗藏：捨；永樂北藏及龍藏：攝；校勘：捨

<sup>72</sup> 麗藏：弊；永樂北藏及龍藏：蔽

<sup>73</sup> 麗藏：想；永樂北藏及龍藏：相

<sup>74</sup> 麗藏：想；永樂北藏及龍藏：相

<sup>75</sup> 麗藏：無相無為；永樂北藏及龍藏：無相

<sup>76</sup> 麗藏：想；永樂北藏及龍藏：相



非明非無明。如來不可說、不可思議、無相，汝今莫樂取相，莫樂戲論。佛於諸法無執無著<sup>77</sup>，不見有法可執可著<sup>78</sup>。是人於佛猶尚不得，何況於念？』舍利弗，如是教者名善知識！第一義中無有決定是善知識、是<sup>79</sup>惡知識。

「復次，舍利弗，若有比丘教餘比丘：『比丘，汝當分別觀察諸法，亦復莫念法相。』是比丘如是修習，心無繫著，則能通達諸法一相所謂無相，是人猶尚不生法相<sup>80</sup>，況我、人相<sup>81</sup>？舍利弗，於意云何？念法相<sup>82</sup>者，是人能滅一切法不？」

「不也。世尊！」

「舍利弗，如樹無根，能有枝葉華實<sup>83</sup>不？」

「不也。世尊！」

「如是，舍利弗，若人不得諸法根本，是人能生諸法相<sup>84</sup>不？」

「不也。世尊！」

「舍利弗，若人不得不念法相<sup>85</sup>，是人能滅一切法不？」

<sup>77</sup> 麗藏：量；永樂北藏及龍藏：著

<sup>78</sup> 麗藏：量；永樂北藏及龍藏：著

<sup>79</sup> 麗藏：是；永樂北藏及龍藏：非；校勘：是

<sup>80</sup> 麗藏：想；永樂北藏及龍藏：相

<sup>81</sup> 麗藏：想；永樂北藏及龍藏：相

<sup>82</sup> 麗藏：想；永樂北藏及龍藏：相

<sup>83</sup> 麗藏：果實；永樂北藏及龍藏：實

<sup>84</sup> 麗藏：想；永樂北藏及龍藏：相

<sup>85</sup> 麗藏：想；永樂北藏及龍藏：相

「不也。世尊！」

「是人不得於法、不得法相、不得於滅，亦不分別無生無滅。是人爾時不生不滅，不名得涅槃者，亦復不名無<sup>86</sup>得涅槃。舍利弗，如是教者名善知識！第一義中無善知識、無惡知識。

「舍利弗，若人成就如是相者，世間希有，得不顛倒真實見故，名<sup>87</sup>為正見。復次，舍利弗，正見者名為正作、正行、正道、正解。無有顛倒，如實而見，是故如來說為<sup>88</sup>正見。舍利弗，若有眾生無有顛倒如實觀者，則有正見。若生我相<sup>89</sup>、人相<sup>90</sup>、眾生相<sup>91</sup>者，當知是人皆是邪行。

「舍利弗，佛及弟子不說有我、不說有人、不說眾生、不說壽、不說命<sup>92</sup>、不說斷常，是故佛及弟子名為正見。何以故？正觀不顛倒故。

「舍利弗，一切凡夫於此事中無能入者。何以故？一切凡夫都無正見，但有隨順正見得柔順忍，不能如實。舍利弗，是名正見、邪見差別。如實見故名為正見。見世樂因增長財利是世間正見，是皆欺誑不免生死。舍利弗，佛說世間正見，

<sup>86</sup> 麗藏：無；永樂北藏及龍藏：先；校勘：無

<sup>87</sup> 麗藏：是；永樂北藏及龍藏：名

<sup>88</sup> 麗藏：名；永樂北藏及龍藏：為

<sup>89</sup> 麗藏：想；永樂北藏及龍藏：相

<sup>90</sup> 麗藏：想；永樂北藏及龍藏：相

<sup>91</sup> 麗藏：想；永樂北藏及龍藏：相

<sup>92</sup> 麗藏：不說壽命；永樂北藏及龍藏：不說壽、不說命



是說懈怠下劣者<sup>93</sup>法，賢聖不作是念：『此是正見，此是邪見。』所以者何？一切諸見皆從虛妄緣起。舍利弗，若作是念：『此是正見。』是人即是邪見。舍利弗，於聖法中拔斷一切諸見根本，悉斷一切諸言語<sup>94</sup>道，如虛空中手無觸礙<sup>95</sup>，諸沙門法皆應如是。」

## 念僧品第四

舍利弗白佛言：「世尊！何等為聖眾？」

佛告舍利弗：「若有<sup>96</sup>人能信解通達一切諸法無生無滅、無起無相，成就是<sup>97</sup>忍尚不得我，況得須陀洹、斯陀含、阿那含、阿羅漢<sup>98</sup>？況復得法？況得男女？何況得道？況得如是等事？是名聖眾，是亦不得。」

「復次，舍利弗，眾生少能信解無生、無滅、無相法者，若能信解無生、無滅、無相法者，心無顛倒，共相知解，以法和合不受後有，知諸世間但從虛妄緣起。是人則更不住是身，以是因緣說名聖眾。是人於是語言亦復不得，謂諸名相但

<sup>93</sup> 麗藏：者；永樂北藏及龍藏：之；校勘：者

<sup>94</sup> 麗藏：語言；永樂北藏及龍藏：言語

<sup>95</sup> 麗藏：閔；永樂北藏及龍藏：礙

<sup>96</sup> 麗藏：「舍利弗，若有；永樂北藏及龍藏：佛告舍利弗：「若有

<sup>97</sup> 麗藏：如是；永樂北藏及龍藏：是

<sup>98</sup> 麗藏：況得阿羅漢；永樂北藏及龍藏：阿羅漢

集無相無戲論事，是名僧寶，應受供養，得無顛倒真實義故。是人以是方便念僧，是事亦空。舍利弗，如是教者名善知識。

「舍利弗，斷一切語言道名為聖眾。何以故？於聖法中所因語言說真實義，如是語言亦不可得，是故當知斷諸語言名為聖眾。

「舍利弗，或有人言：『於此法<sup>99</sup>中無有言說，無有定者，何名為僧？』舍利弗，我於此法<sup>100</sup>中有如是答：『眾僧名為示如實事，此事決定亦不可得，俱同一學一忍一味，是事亦以世俗語故說，非第一義。第一義中無有定實名為僧法常不壞者。』聖人若說言有是法，是即為污。所以者何？若人作是分別，是男是女、是天是龍、是夜叉是乾闥婆是鳩槃荼<sup>101</sup>、是法是非法。作是分別已，得種種事，得種種事故作是言：『是坐是臥，是行是住。』聖人得諸法實相故，亦不分別是男是女、是天是龍，乃至是法是非法。不分別故，不得種種法。不得種種法者，能作是說，是坐是臥、是行是住不？」

「不也。世尊！」

<sup>99</sup> 麗藏：若於此；永樂北藏及龍藏：於此法

<sup>100</sup> 麗藏：此；永樂北藏及龍藏：此法

<sup>101</sup> 麗藏：荼；永樂北藏及龍藏：茶



「舍利弗，若人言：是男是女、是天是龍，乃至是法是非法。是人所說非虛妄耶？」

「虛妄。世尊！」

「舍利弗，若不入是虛妄者，名為聖眾。不顛倒故，名為聖眾。舍利弗，所有不善、所有可知、所有可得，如是一切諸不善法，皆以名相為本。此賢聖法中斷諸名相。又，不念名相、不得名相，云何當言是聖是眾？斷諸名相名為聖眾。若有法處可破可斷，賢聖法中無名無相無有語言，斷諸語言無有合散；若言無僧則破聖眾，是亦不得。所謂名相虛妄想故，著種種邪見，因是邪見更受後身，貪著諸見則五陰生。舍利弗，五陰皆是虛妄貪著，是名惡道，是名邪道<sup>102</sup>。賢聖眾者無有此事，但知虛妄緣故起於三界，知是事故名為聖眾。

「舍利弗，凡所有見，於聖眾中皆不可得，謂：我見、眾生見、壽命見、人見、男見、女見、天見、地獄見、畜生見、餓鬼見、陰入界見、貝聲見、鼓聲見、地聲見、水火風聲見、持戒聲見、毀戒聲見、正道聲見、邪道聲見；垢聲淨聲，禪定三昧八聖道聲，須陀洹果、斯陀含果、阿那含

<sup>102</sup> 麗藏：見；永樂北藏及龍藏：道

果、阿羅漢果聲見；解脫聲見、得果聲見、佛聲見、法聲見、僧聲見、滅聲見、涅槃聲見。舍利弗，是名虛妄音聲等見。賢聖眾者，於第一義不得是見，通達種種音聲一相，所謂無相，無違無諍成就不顛倒法忍故，名為聖眾。

「舍利弗，是不顛倒法忍即是無相。無相故無取無捨、無逆無順、無生無滅，是中自然歸滅。無修無壞、無起無得，不分別此彼故，心常捨離。所以者何？於是忍中無此岸無彼岸、無分別無非分別，通達無相成就是忍名為聖眾，破和合故名為聖眾。

「舍利弗，我餘經說：『若人見法是為見我，如來非法亦非非法。』何以故？調達愚人及諸外道，皆以色身見佛。舍利弗，如來不應以色身見，亦復不應以音聲見。舍利弗，若人以色身見佛，是去佛遠。所以者何？佛不名色、不名為見<sup>103</sup>，名為見佛。舍利弗，若人能見諸法無相、無名無觸、無憶無念、無生無滅、無有戲論；不念一切法、不念涅槃、不以涅槃為念、不貪涅槃，信解諸法皆是一相所謂無相。舍利弗，是名真見佛。謂一切法無求、無戲論、無生，於此事中亦不念、

<sup>103</sup> 麗藏：見色；永樂北藏及龍藏：色、不名為見



不分別，是名見佛。若有諸人<sup>104</sup>於此法中無憶想分別<sup>105</sup>、無取無捨、無貪無違、無相<sup>106</sup>無相<sup>107</sup>業，不貪言說，知法假名，皆無所有，斷語言道，無有差別，亦無戲論，是名無生無相<sup>108</sup>行者，於世界<sup>109</sup>中名為聖眾。

「舍利弗，見何法故名為見佛？所謂無相<sup>110</sup>、無分別、無戲論，不受一切法者<sup>111</sup>。若以空門、若寂滅門、若離門，不念見，不得見；是事亦不得，所謂名字；是處亦不得，所謂涅槃。何以故？舍利弗，我尚不念涅槃，云何當說汝等當念涅槃當得涅槃？舍利弗，若人得涅槃者，是不隨如來出家，隨六師出家。舍利弗，當知是人為是法賊入我法中；當知是人污辱我法；當知是人為是大賊，如大城邑中有大賊。所以者何？如是癡人尚不得涅槃，何況我、人？舍利弗，如是癡人我以手遮，非我弟子，不入眾數，我非彼師。舍利弗，若知諸法無生無滅、無念無相<sup>112</sup>，得是法忍者尚不得涅槃，何況我、人？舍利弗，佛亦說言

<sup>104</sup> 麗藏：人；永樂北藏及龍藏：諸人

<sup>105</sup> 麗藏：別；永樂北藏及龍藏：於；校勘：別

<sup>106</sup> 麗藏：想；永樂北藏及龍藏：相

<sup>107</sup> 麗藏：想；永樂北藏及龍藏：相

<sup>108</sup> 麗藏：想；永樂北藏及龍藏：相

<sup>109</sup> 麗藏：間；永樂北藏及龍藏：界

<sup>110</sup> 麗藏：想；永樂北藏及龍藏：相

<sup>111</sup> 麗藏：法；永樂北藏及龍藏：法者

<sup>112</sup> 麗藏：想；永樂北藏及龍藏：相

如是人者<sup>113</sup>名為見法，能見是事名為見佛。

「舍利弗，云何名為如來<sup>114</sup>？」

佛告舍利弗：「一切<sup>115</sup>法如不異不壞，是名如來。若人於是法中，無有疑悔，是名聖眾。

「舍利弗，過去世中，有一癡人不識獼猴，入一大林見獼猴群叢聚一處，是人曾聞有忉利天，便謂為是忉利諸天。即出樹林還本聚落，多人眾中作如是言：『汝等曾見忉利天不？』眾人答言：『未曾見也。』即時語言：『我已得見。汝欲見不？』皆言：『欲見。』即將大眾詣彼林中，示獼猴群：『汝等觀此忉利諸天。』眾人皆言：『非忉利天，此是獼猴，樂住林中。汝癡倒故，不識獼猴，又亦不識忉利諸天。』舍利弗，是人空將大眾詣彼林中。

「如是舍利弗，於未來世當有比丘至白衣家作如是<sup>116</sup>言：『汝欲見佛聖眾，聽佛法不？』中有白衣信佛法者皆言：『欲見聽受佛法。』舍利弗，中有白衣貪樂語言入於塔寺，有諸比丘好於言說能通諸經，依止語言樂於文飾，是諸沙門隨

<sup>113</sup> 麗藏：佛說如是；永樂北藏及龍藏：佛亦說言如是人者

<sup>114</sup> 麗藏：佛；永樂北藏及龍藏：如來

<sup>115</sup> 麗藏：一切；永樂北藏及龍藏：佛告舍利弗：佛告舍利弗：「一切

<sup>116</sup> 麗藏：是；永樂北藏及龍藏：如是



順為說，謂是真道，但充眾數如牧<sup>117</sup>牛人；俱<sup>118</sup>樂讀經，不入真際；但悅人意，貴於名利，善巧世事，不淨說法；但能巧語，行世間道，無有威德，破涅槃因，捨聖默然、不樂禪定，晝夜常好談論諍訟，臥厚被褥，尚無一念隨順禪定，何況能得成沙門果？是人睡眠常與俗心相應，初夜後夜不修順忍，樂於下法；是人亦多得供養衣服飲食。何以故？是人常為惡魔所攝，樂淺近語，於第一義不能勤學，不能誦持第一深經，聞則驚畏，捨於淳濃而取糟粕。有諸凡夫見得利養，生貪著心作是念言：『我等亦當習是言論。』舍利弗，是人捨於無上法寶墮在邪見，是沙門旃陀羅。有諸白衣往詣其所，如此惡人而為說法，以利養故稱讚於佛及法與僧，但求活命為財奴僕，貪重衣食讚己所樂：『若行布施得生天上。』於佛法中，施為下法，讚以為最，而作是言：『大施因緣，得生天上。』不知語言，不解義趣，但知初入淺近下法，貪著我、人，捨第一義。

「舍利弗，如是說法，或時有人生信出家，與諸惡人而共和合，不能勤求第一深義。有所得者說有我、人、壽者、命者，憶想分別無所有法，

<sup>117</sup> 麗藏：放；永樂北藏及龍藏：牧

<sup>118</sup> 麗藏：但；永樂北藏及龍藏：俱

於阿毗曇、修妬路中自為議論，或說斷常、或說有作、或說無作。

「舍利弗，我法爾時多外道法，令諸眾生正見心壞。如是，舍利弗，我清淨法以是因緣漸漸滅盡。舍利弗，我久在生死受諸苦惱所成菩提，是諸惡人爾時毀壞。舍利弗，若有比丘不能捨是有所得見、我見、人見，不解如來隨宜所說，而言決定有我、人法。如是之人，我則不聽受一飲水。或時是人得聞空法，信心清淨而不驚疑，即便還應導引眾人入實相義，便應出家受具足戒。何以故？舍利弗，若人不捨如是見者，是名外道。」

「舍利弗，我以此世<sup>119</sup>俗因緣假說有我，非第一義。若有人言：『我亦復以世俗因緣而說有我。』是人若能通達無生、無滅、無相之法，與我所說不相違者，是我弟子。舍利弗，若有人言：『如來何故隨世因緣，於無我法而說有我<sup>120</sup>？如來不應為世間故作不實語。又諸經中多說有我<sup>121</sup>，佛所說者不應虛也？』舍利弗，應答是人：『佛說諸法皆空寂<sup>122</sup>，無主無性，但是虛妄，非第一

<sup>119</sup> 麗藏：世；永樂北藏及龍藏：此世

<sup>120</sup> 麗藏：人；永樂北藏及龍藏：我

<sup>121</sup> 麗藏：人；永樂北藏及龍藏：我

<sup>122</sup> 麗藏：空；永樂北藏及龍藏：空寂



義。如來不以第一義故，說有我、人。』聖人言說無所貪著，無智慧人無與佛等，亦無過者。

「舍利弗，如來智慧不可思議，以是智慧知眾生心，寧當有人與佛等者？佛為天<sup>123</sup>龍大法之王，不應難言：『佛說有人。』一切世間常共我諍，我常不與世間共諍。

「舍利弗，說有我者，甚可哀慙<sup>124</sup>！此中無法，亦無有我。多有眾生不解如來隨宜所說，違逆法寶多墮惡趣。舍利弗，我知邪見而不為邪見，知<sup>125</sup>邪見者即是正見。舍利弗，邪見終不變作正見。見不知見。

「舍利弗，諸佛如來阿耨多羅三藐三菩提，一切世間所難得信。我於諸天一切世間，是最可信，非不可信。舍利弗，我所說法為至彼岸，是中亦無至彼岸者；我所說法為盡諸行，是中亦無盡諸行者；我所說法為寂滅故，是中亦無有寂滅者；我所說法為滅度故，是中亦無有滅度者；我所說法為解脫故，是中亦無有解脫者；我所說法為諸智故，是中亦無有諸智者；我所說法為淨垢故，是中亦無有淨垢者。舍利弗，如來為天說法

<sup>123</sup> 麗藏：大；永樂北藏及龍藏：天

<sup>124</sup> 麗藏：慙；永樂北藏及龍藏：慙

<sup>125</sup> 麗藏：能知；永樂北藏及龍藏：知

亦無有天；為人說法亦無有人；為眾生說法亦無有眾生。舍利弗，如來說明及與解脫，是中無明及與解脫。我說念佛，佛不可念；我說空行，空不可行，亦不可念。舍利弗，是名如來所說經法章句。是中無有說者，諸惡人等得此章句為他人說，亦復以我為師，無有如來聖眾功德，而自為僧數。舍利弗，譬如獼猴群不似忉利天；如是眾惡人，不似我聖眾。舍利弗，是諸惡人，但以音聲語言，自謂沙門，似如癡人見獼猴群謂忉利天。

「舍利弗，中有出家人喜樂問難，得值善師，為說名色寂滅，語言道斷，無起無失，通達無相。得聞如是無生、無滅、無相之法，不驚不畏<sup>126</sup>者，當知是人已曾供養無量諸佛，能知我法，可名聖眾。」

佛藏經卷第一

<sup>126</sup> 麗藏：畏；永樂北藏及龍藏：不畏



# 佛藏經卷第二

姚秦三藏法師鳩摩羅什譯

## 淨戒品第五<sup>127</sup>

佛告舍利弗：「破戒比丘有十憂惱箭，難可堪忍。比丘成就十憂惱箭，則於佛法不得滋味，憎說法者，不樂親近。

「何等為十？舍利弗，破戒比丘見僧和合不生喜心。何以故？和合布薩必驅我出。是惡比丘自知有過常懷憂惱，於持戒者瞋恨不喜。舍利弗，是名破戒比丘初憂惱箭，必墮惡道。

「復次，舍利弗，破戒比丘眾所憎惡不欲親近，如惡牛利角人所捨遠，是惡比丘自知有過常懷<sup>128</sup>憂惱。舍利弗，是名破戒比丘二憂惱箭，必墮惡道。

「復次，舍利弗，破戒比丘逢<sup>129</sup>見比丘眾，自知不同，惡心捨離，懷愧恥故不能入眾。舍利弗，是名破戒比丘三憂惱箭，必墮惡道。

「復次，舍利弗，破戒比丘毒惡心盛不可化

<sup>127</sup> 麗藏：淨戒品第五之一

<sup>128</sup> 麗藏：懷；永樂北藏及龍藏：懷疑；校勘：懷

<sup>129</sup> 麗藏：逢；永樂北藏及龍藏：遙；校勘：逢

喻，猶尚無有外道戒法，況於淨戒？以其破戒因緣，人不親近。舍利弗，是名破戒比丘四憂惱箭，必墮惡道。

「復次，舍利弗，破戒比丘以他財物自養其身，我說此人為重擔者。所以者何？行者、得者應受供養，破戒比丘非是行者、非是得者。是故，舍利弗，破戒比丘當於百千萬億劫<sup>130</sup>數，割截身肉以償施主，若生畜生身常負重。所以者何？如析一髮為千億分，破戒比丘尚不能消一分供養，況能消他衣服、飲食、臥具、醫藥？舍利弗，破戒比丘著聖法服，猶尚不應入寺一步，何況得受一飲之水，乃至床榻？何以故？舍利弗，如是惡人，於天人中是為大賊，一切世間皆應遠離。舍利弗，是敗壞人即是怨家。如來悉聽一切世間皆至我所，破戒之人如來手遮，非我弟子，何況一日住我法中？舍利弗，譬如死人、死蛇、死狗最為臭穢，清淨諸天欲遊戲時，不應得見，若見則遠。如是，舍利弗，破戒比丘如彼三尸臭穢不淨，智者遠離，不與同事布薩自恣。舍利弗，破戒比丘於我法中為是不吉，持戒比丘見此破戒即時遠離。何以故？若破戒比丘手所觸物及所受物，於

<sup>130</sup> 麗藏：億萬劫；永樂北藏及龍藏：萬億劫



持戒者則為毒惡。舍利弗，正使三尸臭穢滿地，我能於中行四威儀，不能與此破戒比丘須臾共住。何以故？舍利弗，是為沙門中卑陋下賤；為沙門中朽壞弊惡；為沙門中糝糠；為沙門中垢；為沙門中濁；為沙門中污；為沙門中曲；為沙門中麤；為沙門中失聖道者。如是等人<sup>131</sup>，於我法中出家求道而得重罪。舍利弗，如是之人，於我法中，為是逆賊，為是法賊，為是欺誑詐偽之人，但求活命貪重衣食，是則名為世樂奴僕。舍利弗，譬如黃門非男非女，破戒比丘亦復如是，不名在家，不名出家，命終之後直入地獄。舍利弗，譬如蝙蝠欲捕鳥時則入穴為鼠，欲捕鼠時則飛空為鳥，而實無有鼠<sup>132</sup>鳥之用，其身臭穢但樂闇冥。舍利弗，破戒比丘亦復如是！既不入於布薩自恣，亦復不入王者使役，不名白衣，不名出家，如燒尸殘木不復中用。如是比丘，無有戒品、定品、慧品、解脫品、解脫知見品，但有具足破淨戒品。不能出大微妙音聲、戒聲、定聲、慧聲、解脫聲、解脫知見聲，但出毀戒弊惡音聲，與諸同惡俱出惡聲。但論衣服、飲食、床臥，受取布施樹木華果，為貴人使，及論國土吉凶安危、戲笑眾事諸

<sup>131</sup> 麗藏：人等；永樂北藏及龍藏：等人

<sup>132</sup> 麗藏：大；永樂北藏及龍藏：鼠

不善語，常於日夜，伺求塵染<sup>133</sup>。比丘如是，身業不淨、口業不淨、意業不淨，當墮地獄。舍利弗，是破戒比丘樂於闇冥，如彼蝙蝠，聞說正經以為憂惱。所以者何？如實說故。世間之人不喜實說但樂順意，如是比丘於說法者心不清淨，重更為罪增益地獄。舍利弗，是名破戒比丘五憂惱箭，必墮地獄。

「復次，舍利弗，破戒比丘無有羞恥，諸根散亂，成就不淨身口意業、不淨威儀，所著衣服皆不如法，好喜妄語不能護口，心常馳騁染於垢穢。舍利弗，如新瓦器盛以屎尿臭爛膿血，後去不淨著栴檀香，復去栴檀，如是瓦器有何等氣？」

「世尊！是新瓦器先盛屎尿臭氣堅著，唯有臭氣無栴檀香。」

「舍利弗，人以清淨信等諸根出家學道，遇惡知識而隨其教。舍利弗，何等為惡知識？惡知識者，常好調戲輕躁無羞，言語散亂不攝諸根，心不專一癡如白羊。親近如是惡知識者，失須陀洹果、斯陀含果、阿那含果、阿羅漢果，乃至失於生天之樂，況涅槃道？但能修集破法罪業，與

<sup>133</sup> 麗藏：常於日夜，伺求塵染；永樂北藏及龍藏：常於日夜；校勘：常於日夜，伺求塵染



破戒<sup>134</sup>法者而共從事，是人成就不淨身業、不淨口業、不淨意業、不淨持戒，身死之後入於惡趣。云何惡趣？惡趣名為地獄、畜生、餓鬼、阿修羅道。復有惡道如阿由勒蟲、婆伽羅目呿蟲、浮彌修遮迦蟲、修脂目迦蟲，是人多生此諸蟲中。舍利弗，是人隨惡知識，若生人中，父母生離死亡喪失，親里衰惱國土破壞，生八難中捨八樂處；多欲怒癡常好調戲<sup>135</sup>，輕躁無羞言語散亂，不能攝心；癡如白羊，為貪欲、瞋恚、愚癡所壞；聾瘡盲瞎手脚攣蹇；值<sup>136</sup>惡知識生無佛處。若值佛世，目不喜見，不喜聞法，不與佛眾而共和合；起是惡業，惡人共生，樂下劣法，於正見中生邪見想，於邪見中生正見想，是名下欲、下忍、下慧。舍利弗，下慧之人，終不能為厭離滅道涅槃生心。

「舍利弗，遇惡知識而得如是諸衰惱患，有是相貌。是人聞是諸深經法，驚疑怖畏如墮深坑，則墮大罪深坑壑中。何以故？舍利弗，如經中說，破戒比丘有大重罪。何因緣故名為破戒？破所受戒難可教語；行無常准多所違逆；常行貪著多雜

<sup>134</sup> 麗藏：破；永樂北藏及龍藏：破戒

<sup>135</sup> 麗藏：戲調；永樂北藏及龍藏：調戲

<sup>136</sup> 麗藏：共；永樂北藏及龍藏：值

糴行；貪瞋癡行樂諸雜語，名為破戒。復有樂多事務、樂多諷誦、樂多睡眠，所言不順無有次第，說不清淨，貪著我、人、壽者、命者，是故名為弊惡比丘。不知節量、不知沙門法、不知婆羅門法；樂行醫術販賣求利，樂為國使污染諸家，樂與白衣給使作務，以諸樹葉華果奉上；好為白衣說外道法，心常捨離出世間法；未滿二十受具足戒，受戒事中有諸不具，形體缺少，不應於法受生米穀錢帛金銀，不順教誨拒逆師命；不自知身不知他人，不能分別貴賤差品；好喜妄語貪著<sup>137</sup>惑取，行事散亂心不專一；面有瞋相，慳貪不信，不識恩義，多懷貪欲、睡眠、調戲<sup>138</sup>、疑悔、瞋恨，覆藏罪惡好自專執，嫉妬諂曲無有<sup>139</sup>慚愧，自大放逸，憍慢我慢，大慢邪慢；好行欺誑讚美其身，多作方便開利養門，陵踐白衣<sup>140</sup>偽現親厚，因勢得財以誇眾人，毀破戒品、定慧解脫品、解脫知見品；於佛法眾心不定信，不信業報貴於現利，謂無後世多諸疑悔，志性淺弱常好驚怖。舍利弗，是名弊惡比丘。

「如是癡人，於我法中便是屎尿，臭穢不淨，

<sup>137</sup> 麗藏：戒；永樂北藏及龍藏：惑

<sup>138</sup> 麗藏：戲調；永樂北藏及龍藏：調戲

<sup>139</sup> 麗藏：所；永樂北藏及龍藏：有

<sup>140</sup> 麗藏：偽；永樂北藏及龍藏：為；校勘：偽



是人成就身口意惡<sup>141</sup>命不清淨故，命終之後墮在惡道，入大地獄。如是比丘，諸佛如來及弟子眾，常所遠離，餘好道者、求滅度者亦皆不近。舍利弗，譬如栴檀置不淨器，同於不淨不復任用。如是，舍利弗，若在家、出家親近是人，習效所行，亦破戒品，不久同惡，顏色毀悴，破失威儀，命終之後，生地獄中。舍利弗，如是惡人，諸佛如來及弟子眾，并餘求道好滅度者，皆所遠離。舍利弗，譬如栴檀置不淨器，不復任用。如是，舍利弗，若在家、出家雖以塗身，猶雜不淨。舍利弗，此惡比丘亦復如是，雖坐眾中著聖法服，然是比丘惡相猶現，梵行比丘見此不淨，遠而不近；而見<sup>142</sup>他遠離心則瞋恨，以是因緣死入地獄。舍利弗，是名破戒比丘六憂惱箭，必墮地獄。

「復次，舍利弗，破戒比丘聞佛所說如是等經，心不清淨、歡喜、信樂，自知有過便疑此經：

『為我等說不為餘人。何以故？如我等比丘有<sup>143</sup>此事故。』舍利弗，如是上妙無比之法，破戒比丘乃生瞋恨，於說法者心多不信，得聞如是佛所說經，違逆不受，而作是語<sup>144</sup>：『此非佛說！』

<sup>141</sup> 麗藏：業；永樂北藏及龍藏：惡

<sup>142</sup> 麗藏：見；永樂北藏及龍藏：而見

<sup>143</sup> 麗藏：在；永樂北藏及龍藏：有

<sup>144</sup> 麗藏：語；永樂北藏及龍藏：言

教語餘人。何以故？破戒比丘不樂修道，修道比丘不逆佛語。此皆破戒愚癡惡法，謂心不信違逆佛語。如是比丘自知有過，但生瞋恨、憍慢、佞戾，惡邪慢心謗佛法僧。舍利弗，隨此比丘聞是諸經違逆不信，心不通達無上菩提，教語諸人非佛所說。舍利弗，佛說是人則為謗法，以謗法故為非沙門、非釋種子，應當滅擯。是等比丘，若<sup>145</sup>干百千萬億諸佛三輪示現，不能令悟，使得道果。何以故？舍利弗，如是惡人，於此法中，自作障道，無復生分，無有信心，但好衣食，貪樂世利，我說此人必墮地獄。

「舍利弗，我今明了告汝，若人違逆如是法寶，於好生處永無有分，但生惡處常盲無目。舍利弗，是諸比丘憍慢熾盛不能定說，破滅<sup>146</sup>正法；其餘眾人不能自活，為利養故隨破我法。舍利弗，如是法寶爾時壞滅。何以故？如是法寶一切諸佛皆共恭敬，諸辟支佛、阿羅漢等亦皆恭敬。

「破戒比丘、增上慢者、不定說法諸比丘等，爾時皆共輕慢我法而共遠離，多懷慳貪專求生業，貴於財利嫉妬所縛，常好爭訟互生怨隙，不相敬順無有威儀，志性輕躁猶如獼猴，轉易威儀行諸

<sup>145</sup> 麗藏：若；永樂北藏及龍藏：若干

<sup>146</sup> 麗藏：我；永樂北藏及龍藏：滅



惡業，**違**<sup>147</sup>沙門法遠離賢聖。舍利弗，如是惡人覆藏瑕疵，多欲多求以財自活，惡魔知心為作方便，令其乖異各共散壞，一味僧寶分為五部，既有五部則生諍訟，互相是非論說過失。舍利弗，如今比丘互相教化互相恭敬，同心共行隨順佛語。爾時比丘不相教化不相恭敬，見作惡者畏而捨去，不能以法**互**<sup>148</sup>相教誨。或時雖有多聞深智，猶懷憍慢輕賤餘人，各以所是自立其論，不喜相見況能受教？

「舍利弗，如來在世三寶一味，我滅度後分為五部。舍利弗，惡魔於今猶尚隱身，佐助調達破我法僧。如來大智現在世故，弊魔不能成其大惡。當來之世，惡魔變身作沙門形，入於僧中，種種邪說，令多眾生入於邪見為說邪法，謂弥楼陀罗迦**婆**<sup>149</sup>鬪事、五分事、念念滅事、一切有事、有我事、有所得事。爾時，惡魔說如是等邪貪著事。如是事者，非諸佛及佛弟子所說。爾時，惡人為魔所迷，各執所見我是彼非。舍利弗，如來豫見未來世中，有如是等破法事故，說是深經，悉斷惡魔諸所執著。

<sup>147</sup> 麗藏：退；永樂北藏及龍藏：違

<sup>148</sup> 麗藏：共；永樂北藏及龍藏：互

<sup>149</sup> 麗藏：樓；永樂北藏及龍藏：婆

「舍利弗，當爾之時，閻浮提內多是增上慢人，作小善順便謂得道，命終之後當墮惡趣。何以故？是人長夜自謂得道，亦復稱說他人得道，冒受聖人所供養事，是人於諸天、人、世間為大惡賊。如是癡人聞說第一實義，驚疑怖畏如墮深坑。舍利弗，有諸比丘樂此事者，相與共集破壞諸佛無上菩提。爾時，增上慢人偏執者多，惡魔又復迷惑在家、出家者心，令執非法。說正法者少於援助，則便散壞不復得立。

「舍利弗，爾時，世間年少比丘多有利根。所以者何？諸出家者有餘煩惱，還生人中即復出家。是諸比丘喜樂問難<sup>150</sup>，推求佛法第一實義。舍利弗，爾時，增上慢者魔所迷惑，但求活命，實是凡夫自稱羅漢，謂諸年少比丘等言：『善身、口、意，此是佛法第一實義。善護淨戒，讀誦經法，勤修多聞，是名順忍因緣，所謂淨心信佛。又有第一實義，汝當繫心緣中，專念涅槃，滅三種苦，則能厭離五陰、十二入、十八界。汝等當於靜處觀此陰、界、入法悉皆無常，自觀其身種種不淨，汝等能如是觀，當得須陀洹果。又能於是五陰等法，深觀無常、苦、空、無我，無有堅

<sup>150</sup> 麗藏：難問；永樂北藏及龍藏：問難



牢，則得斯陀含；轉復深觀，得阿那含；得阿羅漢，是為第一實義。』

「是中年少比丘復問：『於佛法中，阿羅漢果便是第一義耶？我等亦知是事，得阿羅漢是第一義。今此五陰，為憶念者生，為不憶念者生？』答言：『是五陰者，憶念者生，不憶念者不生。』復問：『憶念與五陰為異不？』答言：『如五陰，憶念亦爾！』復問：『若如五陰，憶念亦爾者，誰是念五陰者？』答言：『若無念五陰者，則無涅槃；實有念五陰者，是故有修八直聖道，入涅槃者。』

「舍利弗，未來世中多有比丘成就此忍。舍利弗，爾時會中多諸天眾，欲聞佛法第一實義，聞是增上慢者所說，心生疑悔如墮深坑，咸作是言：『咄哉！釋迦牟尼佛法今將速滅。』舍利弗，中有成就善根比丘，謂是比丘：『癡人、空老、增上慢者。』有<sup>151</sup>五陰相、十二入、十八界相者，不受此語，不喜不悅，從座而<sup>152</sup>去。舍利弗，爾時諸天心大歡喜，四方唱言：『釋迦牟尼佛猶有好弟子在，是諸人等善根不少，不喜聞是不淨所說，謂我見人見。』諸天聞此皆大歡喜，稱揚讚

<sup>151</sup> 麗藏：若有；永樂北藏及龍藏：有

<sup>152</sup> 麗藏：起；永樂北藏及龍藏：而

歎是利根者，喜樂難問<sup>153</sup>必皆成就無生法忍。如是人等合集一處，共為徒侶，人眾既少，勢力亦弱。

「舍利弗，爾時，我諸真子於父種族尚無愛語，況得供養住止塔寺？舍利弗，汝且觀之，爾時如來便為輕微，我滅度後我諸子等成就善寂無所得忍時亦<sup>154</sup>輕賤。我以是故，於無數劫摧諸怨敵，化諸一切天王、人王令心清淨，所以爾者，令我諸子得安父位。舍利弗，如來今以一切世間天人為證，如來如法得阿耨多羅三藐三菩提，轉無上法輪，沙門、婆羅門，若天、魔、梵所不能轉。

「舍利弗，如是現事，如來滅後，我此阿耨多羅三藐三菩提，我諸弟子等欲廣流布，是諸惡人不能證明，亦復不能施與無畏。

「舍利弗，譬如蜜瓶置四衢道，而作是言：『若人能食一毛頭者，常不老死。』爾時，諸天世人各以刀仗<sup>155</sup>衛護是瓶。時，衛護者各作是言：『若或有人食一毛頭者，我等當殺。』舍利弗，中有一人竊作是念：『是瓶中蜜，食一毛頭，則

<sup>153</sup> 麗藏：問難；永樂北藏及龍藏：難問

<sup>154</sup> 麗藏：亦為；永樂北藏及龍藏：亦

<sup>155</sup> 麗藏：杖；永樂北藏及龍藏：仗



不老死，我今何為惜死不噉？若得噉已，則便不畏諸衛護者，亦可常得無老病死。』如是定心不惜壽命直詣瓶所，諸衛護者各持刀仗<sup>156</sup>，競欲殺之。舍利弗，是人若能刀仗<sup>157</sup>未及食一滴<sup>158</sup>者，則免衰患無復老死。

「如是，舍利弗，多有惡人、魔及魔民欲滅我法。如來滅後，若有人能隨順空法，通達無礙<sup>159</sup>，則於諸法心無所得，成就上忍。爾時，雖為惡人所輕，沮壞其道，是人若能不惜身命，勤行精進，通達諸法無生無作，則得度脫生老病死。

「舍利弗，蜜瓶是佛第一義法；諸天世人衛護瓶者，則是惡人樂行魔事，自失大利，亦遮他人行實相者，失於大利。舍利弗，增上慢者皆是魔黨，助成魔事，咸共譏訶無生無滅<sup>160</sup>法。

「又，舍利弗，不淨說者，我見、人見、眾生見，五陰、十二入、十八界見，未得謂得，心計得道，計得涅槃，咸亦譏訶如是正法。何以故？是人貪著空故，亦是魔眾，魔所迷惑，以我正法而作魔事。

<sup>156</sup> 麗藏：杖；永樂北藏及龍藏：仗

<sup>157</sup> 麗藏：杖；永樂北藏及龍藏：仗

<sup>158</sup> 麗藏：滴；永樂北藏及龍藏：滴

<sup>159</sup> 麗藏：疑；永樂北藏及龍藏：礙

<sup>160</sup> 麗藏：滅；永樂北藏及龍藏：無滅

「舍利弗，若在家、出家，聞是無我、無人、無眾生畢竟空法驚疑畏者，當知是人受魔教化；是像比丘，為是盜法惡威儀者。舍利弗，是人則是我見、眾生見、有見、無見、常見、斷見，皆是魔民非佛弟子。何以故？我經中說：『一切世間皆空，無我、無我所、無人、無眾生、無常、無定、無不壞法。』如是惡人亦復皆共讀誦是經為他人說，而心貪著我見、人見，如是癡人名為造作苦因、名為反覆兩端、名為鬪亂破僧、名為污染道法、名為沙門中濁、名為醜陋穢惡、名為但有言說、名為假偽沙門、名為沙門中貧、名為擔重擔者、名為欺誑諸佛、名為得逆罪者。

「舍利弗，是人名為大惡逆賊、名為惡知識、名為破戒、名為邪見、名為外道、名為無實行、名為惡伴、名為殺鬼、名為癩瘡、名為臭穢、名為燒熱、名為諂曲、名為墮在黑闇、名為入稠榛林、名為墮生死流、名為互出惡者、名為地獄、名為畜生、名為餓鬼、名為阿修羅、名為不入道者、名為欺誑人者、名為自讚己者、名為行占相者、名為大聲喚呼、名為因利求利、名為污染他家、名為常調戲者、名為散亂心者、名為貪所害者、名為瞋所害者、名為癡所害者、名為好面欺



者、名為衰惱處者、名為無解脫者、名為憂惱縛者、名為非沙門、形像沙門、沙門旃陀羅、沙門臭穢、沙門糠糟<sup>161</sup>，名為難滿、名為難養、名為壞威儀者、名為無羞恥者、名為截斷頭者、名為身體壞者、名為袈裟繫頸、名為自入闇冥者、名為多貪欲者、名為多瞋恚者、名為多愚癡者、名為五蓋纏覆、名為沒者、名為虛者空者、名為癡者。

「舍利弗，云何名空？違<sup>162</sup>失諸佛讚善人相，故名為空；違<sup>163</sup>失一切沙門功德沙門事法，故名為空。云何名為<sup>164</sup>虛？在聖法外故名為虛，遠離空、無相、無願法故名為虛。舍利弗，如是惡人能令魔喜，貪著堅執虛妄法故，同於凡夫備足<sup>165</sup>具有罪惡人相；不似得法忍者，沙門事法沙門功德，百千萬分尚無一分<sup>166</sup>。舍利弗，是故名為空者、虛者。但深貪著世間利樂，非是沙門自稱沙門，不應供養而受供養，名為常賊、立幢相賊，名為自在殺害人賊。是人所食一口皆不清淨，唯有向道得道果者能消供養，是人無此，是故名為

<sup>161</sup> 麗藏：糟粕；永樂北藏及龍藏：糠糟

<sup>162</sup> 麗藏：退；永樂北藏及龍藏：違

<sup>163</sup> 麗藏：退；永樂北藏及龍藏：違

<sup>164</sup> 麗藏：為；永樂北藏及龍藏：名為

<sup>165</sup> 麗藏：足；永樂北藏及龍藏：修是；校勘：足

<sup>166</sup> 麗藏：其一；永樂北藏及龍藏：一分

不淨食者。舍利弗，是故名為空者、虛者。

「於意云何？若人殺生、偷盜、邪淫、妄語、兩舌、惡口、綺語、貪嫉、瞋、恚、邪見，是人為是常殺生不？常奪命不？」

「不也。世尊！在家殺生，不常奪命，殺生時少，不殺時多。」

「舍利弗，於意云何？若人偷盜，偷盜時多<sup>167</sup>不盜時多？」

「世尊！不盜時多。」

「舍利弗，於意云何？若人邪淫，邪淫時多、不邪淫時多？」

「世尊！不邪淫時多。」

「妄語、惡口、兩舌、綺語、貪嫉、瞋恚時多，不瞋恚時多？」

「世尊！不瞋恚時多。」

「舍利弗，是十不善道中何者罪重？」

「世尊！十不善中邪見罪重。何以故？世尊！邪見者垢常著心，心不清淨。」

「舍利弗，我今語汝，若人一日殺百千萬億眾生；一日偷盜百千萬億種<sup>168</sup>金銀寶物，邪淫者，晝夜不息；妄語者，常欺誑人，口業不淨無一實

<sup>167</sup> 麗藏：多；永樂北藏及龍藏：少；校勘：多

<sup>168</sup> 麗藏：億；永樂北藏及龍藏：億種



語；兩舌者，常破和合，亦助破者；惡口者，口常惡逆，乃至不說柔軟一語；綺語者，無有根本，人聞<sup>169</sup>此事，以餘無量語言忤<sup>170</sup>亂；貪嫉者，於他物中生非法心；瞋恚者，無有因緣橫起瞋恚，懷恨滿心；邪見者，樂行非道。舍利弗，於意云何？若人成就如是不善法者，罪為多不？」

「甚多。世尊！」

「舍利弗，我今語汝，若人百歲成就如是十不善罪，破戒比丘一日一夜受他供養，罪多於彼。何以故？是殺生者，多人所知，多人所識，人所惡賤，人皆知是殺奪命者，罪人穢濁是染污<sup>171</sup>者，不善無德人所離者。又，舍利弗，殺生之人多奪他命，或生厭心自知不是，當得罪報，人皆知惡無戒穢濁，於此人所不望功德，乃至析毛百分之一，況謂福田而供養之？又，舍利弗，是殺生之人，其家妻子，人皆悉知<sup>172</sup>不共恭敬，尚不令坐，何況供養？殺生之人以財自活養育妻子，或時供養沙門、婆羅門，以此業報得遇賢聖比丘、比丘尼為說道法，教離殺生捨其殺業，於佛法中而得出家無有障礙，得出家已近善知識得沙門果，是

<sup>169</sup> 麗藏：問；永樂北藏及龍藏：聞

<sup>170</sup> 麗藏：干；永樂北藏及龍藏：忤

<sup>171</sup> 麗藏：污染；永樂北藏及龍藏：染污

<sup>172</sup> 麗藏：知悉；永樂北藏及龍藏：悉知

人現世輕受罪報，不障聖道得免三塗。

「舍利弗，於我法中有諸比丘，非是沙門自言沙門，非是梵行自言梵行，斷諸善根障入涅槃迷惑失道，破道因緣破諸善法，行外道事入於惡道。多諸怨<sup>173</sup>賊，空生受命猶如死人，形色毀悴失正威儀，於我法中名為污染、名為法賊、名為逆人、名為魔使。猶如行廁，亦如死狗，如像沙門，同沙門服無沙門事。

「舍利弗，譬如野干在師子群；亦如黃門在於轉輪聖王眾中；亦如獼猴在於諸天；亦復如驢在象王眾；亦如盲人在天眼眾；亦如蝙蝠在金翅鳥眾。舍利弗，破戒比丘在我眾中，百千萬億諸天大眾，見此比丘在眾而坐，皆大憂惱而作是言：

『如是惡人何用布薩？是魔黨類，欲聞無上佛道向白衣說。』復有信樂佛法諸龍鬼神等，高聲大喚是惡比丘：『何故於此隱藏其身？似如惡馬在調善馬中。』如是癡人，自謂無有見知我惡，自藏於此欺誑天人，為是一切天人中賊，眾共見已皆更大喚<sup>174</sup>。

「舍利弗，如是罪惡比丘，為是諸天所知惡

<sup>173</sup> 麗藏：惡；永樂北藏及龍藏：怨

<sup>174</sup> 麗藏：笑；永樂北藏及龍藏：喚



賊，白衣無異而受供養，迎送<sup>175</sup>禮拜合掌恭敬。弊人愚癡猶如死屍，所著衣服皆是偷得，鉢中所食皆是盜取，無人與者，乃至少水亦是盜得。舍利弗，破戒比丘所至之方，若至東<sup>176</sup>、南、西、北方，皆是偷地而行。何以故？是人所有威儀行法，皆是偷盜假竊所作。行立坐臥、來去視瞻、屈申俯仰、著衣持鉢，今但略說身、口、意業，有所施作皆是偷賊。若有剃是人髮，為剃賊髮。舉要言之，破戒比丘有所施作，皆是賊作。舍利弗，弊惡比丘，乃至大小便利澡手皆是賊法，何以故？舍利弗，閻浮提內皆是國王及諸大臣、人民所有及眷屬<sup>177</sup>、非人，是惡比丘於中為賊。

「舍利弗，若王、大臣，於惡賊所，不望功德，不言等我，不言勝我。破戒比丘著聖法服，於是人所望得功德，是故聽使止住國土；若知其惡，乃至唾地亦復不聽。是故舍利弗，弊惡比丘，動身所作皆是賊作，名為常賊、大賊、立幢相賊，打害一切世間人者。何以故？無惡不作故。是故舍利弗，是惡比丘於諸一切天人世間，為是大賊。舍利弗，若人是一切天人世間大賊，是人能消一

<sup>175</sup> 麗藏：送；永樂北藏及龍藏：逆；校勘：送

<sup>176</sup> 麗藏：東方；永樂北藏及龍藏：東

<sup>177</sup> 麗藏：屬；永樂北藏及龍藏：眷屬

飲食<sup>178</sup>水不？」

「不也。世尊！」

「舍利弗，於意云何？是人非是大惡人耶？」

「如是。世尊！」

「舍利弗，破戒比丘於諸一切天人世間有大惡罪，以是義故，我說此偈：

寧噉燒石 吞飲洋銅

不以無戒 食人信施

「舍利弗，是破戒比丘，無色無德，無復志願，身心熱毒，喜見惡夢，不樂獨處，或時獨處、或時獨行，身則戰懼。見淨戒者，僻藏避迴，心怯自愧，不喜欲見。受供養時，驚疑怖畏，心常馳騁，多所<sup>179</sup>想念，深貪財利，愛樂美食。如是比丘，命終之後必入地獄。舍利弗，是名破戒比丘七憂惱箭，必墮<sup>180</sup>地獄。

「復次，舍利弗，破戒比丘樂在眾鬧，散亂多語，性好嫉妬，與破戒者以為親友，常樂論說破戒惡事，以為喜樂不知羞恥，違逆深經心疑不信。或時聞說如是等經，疑逆諍競不樂聽受，東西顧望心不專一，以手掩口仰視虛空，從坐而去

<sup>178</sup> 麗藏：飲；永樂北藏及龍藏：飲食

<sup>179</sup> 麗藏：諸；永樂北藏及龍藏：所

<sup>180</sup> 麗藏：入；永樂北藏及龍藏：墮



<sup>181</sup>謗佛法教，懷瞋恨心罵說法者。以如是等過惡因緣，命終之後深入地獄。舍利弗，是名破戒比丘八憂惱箭，必墮地獄。

「復次，舍利弗，破戒比丘，但樂尊重和<sup>182</sup>尚、阿闍<sup>183</sup>黎讚其功德；以求名利，稱持戒者；因以自活，執事便附；隨宜善巧，無有羞恥，猶如黑烏；為僧因緣，多求衣服；飲食<sup>184</sup>滋口，身力肥盛；不知慚愧，言無次第；手脚麤燥，顏色毀悴；樂視婦<sup>185</sup>人，不附男子。如是惡人，眾所輕賤，天龍鬼神所不稱讚，乃至諸佛亦不歎說，心性急促常好瞋恚，眾僧斷事俠為勢力。舍利弗，如是破戒比丘，多於<sup>186</sup>眾中求有威勢，未問而答常求他過，見淨戒者謂是欺誑，勤求道者不同其法，喜樂別異爭者助喜。舍利弗，是名破戒比丘九憂惱箭，必墮地獄。

「復次，舍利弗，破戒比丘，好樂他事任持其理，有鬪爭<sup>187</sup>處以為喜樂，衣服嚴身學他威儀，求好臥具利養安身，樂人稱讚。護惜檀越及憇住處，恐好比丘來見我過，憎持戒者親附破戒。常

<sup>181</sup> 麗藏：起；永樂北藏及龍藏：去

<sup>182</sup> 麗藏：上；永樂北藏及龍藏：尚

<sup>183</sup> 麗藏：梨；永樂北藏及龍藏：黎

<sup>184</sup> 麗藏：恣；永樂北藏及龍藏：滋

<sup>185</sup> 麗藏：女；永樂北藏及龍藏：人

<sup>186</sup> 麗藏：僧；永樂北藏及龍藏：眾

<sup>187</sup> 麗藏：者；永樂北藏及龍藏：處

讚布施，不讚持戒、忍辱、精進、禪定、智慧，不讚寂滅遠離獨處。常好譏論持戒者過，亦不稱讚行頭陀者，或指說其事，或惡口橫加，或憶想妄說。依恃<sup>188</sup>種姓數問親族，以少因緣為貪說法，常以曲心而懷驚疑，眾所憎惡久而益賤。於持戒者常好譏說，苦切實語者不欲親近。意不喜聞如是等經，好持讚<sup>189</sup>誦如是經者、聞說是經心歡喜者，亦不喜見。又不喜聞讚持戒法，說是等經不來聽受，設來聽受不久即還。多與白衣而作知識，常樂論說持戒比丘，以得自在輕行暴惡。舍利弗，是為<sup>190</sup>破戒比丘十憂惱箭，必墮惡道。

「舍利弗，我滅度後如是等人滿閻浮提，專行求利以自生活。」

佛藏經卷第二

<sup>188</sup> 麗藏：怙；永樂北藏及龍藏：恃

<sup>189</sup> 麗藏：讀；永樂北藏及龍藏：讚

<sup>190</sup> 麗藏：名；永樂北藏及龍藏：為



# 佛藏經卷第三

姚秦三藏法師鳩摩羅什譯

## 淨法品第六

佛告舍利弗：「昔迦葉佛豫記我言：『釋迦牟尼佛多受供養故，法當疾滅。』舍利弗，我法實以多供養故，後當疾滅。舍利弗，譬如貧人得大寶藏，心則大樂。如是，舍利弗，未來世中，多有比丘親近白衣，受其供養，漸相狎習，而與執事，心便歡喜，以為悅樂，猶如貧人得大寶藏。如是癡人，貴於世利世樂奴僕。若見比丘，多人供養，心便謂之得阿羅漢；見少從<sup>191</sup>知識，便謂惡人。如是比丘，為利養故，捨無上正覺<sup>192</sup>，隨所樂者，即成其事。

「舍利弗，如來於今為是癡人，說如是等經。何以故？破戒比丘聞說是經，則生悔心當還持戒，不作大賊受他供養。舍利弗，若有比丘，得聞是經，心不清淨，不喜不樂，是則名為弊惡比丘。何以故？舍利弗，淨戒比丘無法不樂。若說布施、若說持戒、若說忍辱、若說精進、若說禪定、若

<sup>191</sup> 麗藏：少；永樂北藏及龍藏：少從

<sup>192</sup> 麗藏：上佛道；永樂北藏及龍藏：無上正覺

說智慧，若說如是厭畏經法，心皆喜樂。

「舍利弗，有三種人，聞說是經，心則憂悔<sup>193</sup>。何等為三？一者、破戒比丘；二者、增上慢人；三者、不淨說法。復有三種人，聞如是經，心則憂惱。何等為三？一者、人見；二者、命見；三者、我見。

「舍利弗，我今明了告汝，如好善知識，以慈愍心為人求利、求樂、求安隱，汝等一心聽受我語，常求善利，心勿放逸。

「舍利弗，不淨說法者有五過失。何等為五？一者、自言盡知佛法；二者、說佛經時，出諸經中相違過失；三者、於諸法中，心疑不信；四者、自以所知，非他經法；五者、以利養故為人說法。舍利弗，如是說者，我說此人當墮地獄不至涅槃。

「復次，舍利弗，說法比丘處在大眾，信樂法者為敷高座，捨佛正法而說外道嚴飾文辭，我久勤苦求是法寶，而此惡人捨置不說，但以經中相違語義，互相是非不順正法，於聖法中高心自大，隨意而說為求利養。舍利弗，若比丘說法雜外道義，有善比丘勤求道者，應從坐去。何以故？

<sup>193</sup> 麗藏：惱；永樂北藏及龍藏：悔



舍利弗，有信白衣敷置高座，不應演說外道諸<sup>194</sup>義；若不去者，非善比丘，亦復不名隨佛教者。舍利弗，說法甚難，如是說者，我說此人名為外道尼犍弟子，非佛弟子。是說法者，命終之後，當生尼犍子道。何等是尼犍子道？邪見是尼犍子道。何等為邪見？謂是地獄、畜生、餓鬼。何以故？舍利弗，身未證法而在高座，身自不知而教人者，法<sup>195</sup>墮地獄。

「舍利弗，如是因緣如來悉知，我諸弟子，以種種門、種種因緣、種種諸見，滅我正法。舍利弗，若有眾生，聞如是經第一義空無所有法，心歡喜者，當知是人真我弟子。」

「舍利弗，過去世有五百盲人行於道路，到一大城飢渴乏極，令一盲人在外守物，餘者入城乞索飲食。未久之間，有一誑人至守物者所，語言：『咄！人何以獨住？』」答言：『我有多伴入城乞食。』誑人語言：『汝為知不？彼間大施衣食、瓔珞、華香、雜物，隨意可得，汝若須者，將汝詣彼。』」答言：『可爾！』誑人將盲小離本處，盡奪其物。諸盲乞食得已而還，誑人復語諸盲人言：『汝等得值大會施不？』」答言：『不值。』誑

<sup>194</sup> 麗藏：語；永樂北藏及龍藏：諸

<sup>195</sup> 麗藏：必；永樂北藏及龍藏：法

人語言：『汝等所得物<sup>196</sup>可置於此，我將汝等詣大施會。』諸盲盡共留物一處，隨誑人去。誑人盡將五百盲人臨大深坑，而語之言：『此地平好有大施會，汝等各可迴面東行，受大<sup>197</sup>施物。』即便一時，墮坑而死。

「舍利弗，當來比丘好讀外經，當說法時，莊校文辭令眾歡樂，惡魔爾時助惑眾人，障礙善法。若有貪著音聲、語言、巧飾文辭，若復有人好讀外道經者，魔皆迷惑，令心安隱。若有比丘修佛法者，令生疑惑，咸使眾人不復供養。或有比丘若二若三已讀佛經，便使令求外道經法，先自看者，讚言善好。是諸人等，為魔所惑，覆障慧眼，深貪利養，看諸外書，猶如群盲為誑所欺，皆使令墮深坑而死。舍利弗，諸生盲人即是比丘捨佛無上道求外道經書，誑人是惡魔，深坑是邪道。舍利弗，如群盲人捨所得物，欲詣大施而墮深坑；我諸弟子亦復如是，捨麤衣食而逐大施，求好供養，以世利故失大智慧，而墮深坑阿鼻地獄。

「復次，舍利弗，不淨說法者，不知如來隨

<sup>196</sup> 麗藏：所得；永樂北藏及龍藏：所得物

<sup>197</sup> 麗藏：他；永樂北藏及龍藏：大



宜意趣，自不善解而為他<sup>198</sup>說，是人現世得五過失，餘人不知，唯得天眼比丘及諸天所知。何等為五？一、說法時心懷怖畏，恐人難我；二、內懷憂怖而外為他說；三、是凡夫無有真智；四、所說不淨但有言辭；五、言無次第，處處抄撮，是故在眾心懷恐怖。如是凡夫無有智慧，心無決定，但以憍慢微小因緣，求於名聞，疑悔在心而為他<sup>199</sup>說；是人長夜自受貪欲、瞋恚、愚癡毒箭。何以故？舍利弗，是人不能定知諸法而為他說，心不喜樂或若違<sup>200</sup>失。

「舍利弗，我知不淨說法有此過咎不得正道，是事一切比丘不知、諸天不知，唯我乃知。復有不淨說法比丘，不解如來隨宜所說而為他人說。諸經中無我、無人、無眾生、無壽命，而是人自以論辭說言有我、有人、有眾生、有壽命，即為謗佛、謗法、謗僧。謗三寶罪，諸天世人所不能知，唯佛乃知。舍利弗，是人亦名不淨說法。我知其過，諸神通者及諸天眾皆不能知，唯佛乃知。

「舍利弗，我今為汝譬喻解說。若人不知佛

<sup>198</sup> 麗藏：人；永樂北藏及龍藏：他

<sup>199</sup> 麗藏：人；永樂北藏及龍藏：他

<sup>200</sup> 麗藏：若樂速；永樂北藏及龍藏：或若違

道義相，而為他人不淨說法，此人成就幾不善事？舍利弗，於意云何？閻浮提眾生寧為多不？」

「甚多。世尊！」

「舍利弗，若有惡人盡奪其命，是人得罪寧為多不？」

「甚多。世尊！」

「如是癡人，不知佛道而為他人不淨說法，罪多於此。何以故？是不淨說法破無上佛道，亦謗過去、未來、今佛。何以故？舍利弗，若有過去諸佛，說一切法皆畢竟空，無我、無人、無眾生、無壽者、無命者；舍利弗，未來諸佛說一切法亦畢竟空，無我、無人、無眾生、無壽者、無命者；舍利弗，今現在十方恒沙<sup>201</sup>世界諸佛，說一切法亦畢竟空，無我、無人、無眾生、無壽者、無命者。舍利弗，是名諸佛無上之法，謂一切法無有體性、無所得空、本性寂滅、無生無滅、無有性相、自相皆空。如來但為斷諸憶想分別故說，而諸佛菩提無有分別。

「舍利弗，何等為分別？謂分別者，我見、人見、眾生見、壽見、命見、斷見、常見，凡夫成就是諸分別。若人無有如是分別，能悉了知一

<sup>201</sup> 麗藏：河沙；永樂北藏及龍藏：沙



切法空，無我、無人、無眾生、無壽者、無命者。如是念時，心得歡喜，聞第一義空不驚不畏。是人則知五陰虛妄無有真實，知十二入、十八界虛妄無有真實。是人亦不分別涅槃、不念涅槃、不言我能念涅槃。以法得寂滅而不分別，是法所寂滅處，亦不分別，亦復不得。舍利弗，是名順忍。是人於是順忍第一義中，亦不得自相。舍利弗，何等是順忍相？所謂無相是順忍相。

「舍利弗，於意云何？若人於此順忍尚不得相，是人若得我相、人相、眾生相、壽相、命相者，無有是處。若人成就如是智慧，應受供養，是名佛子，是名入不住定。

「舍利弗，是名佛法第一義門，謂無憶想分別、無此無彼。而是癡人在大眾中說於邪見，自以憶想分別教人：『此是佛法，此是聖道。』如是癡人，則為誹謗過去、未來、現在諸佛。如是癡人，名惡知識，不名善知識。舍利弗，怨雖奪命，但失一身；如是癡人不淨說法，千萬億劫為諸眾生作大哀惱。是人癡冥，覆佛菩提，本心貪著，還復熾盛，相續不斷，以貪著故往來五道，無善逕路，生死不絕<sup>202</sup>。是故，舍利弗，不淨說

<sup>202</sup> 麗藏：斷；永樂北藏及龍藏：絕

法者得罪極多，亦為眾生作惡知識，亦謗過去、未來、今佛。

「舍利弗，置此閻浮提眾生，若人悉奪三千大千世界眾生命，不淨說法罪多於此。何以故？是人皆破諸佛阿耨多羅三藐三菩提，為助魔事，亦使眾生於百千萬世受諸衰惱，但能作縛不能令解，當知是人於諸眾生為惡知識、為是妄語，於大眾中謗毀諸佛，以是因緣墮大地獄，教多眾生以邪見事，是故名為惡邪見者。舍利弗，我見、人見、眾生見者多墮邪見，斷滅見者多疾得道。何以故？是易捨故。是故當知，是人寧自以利刀割舌，不應眾中不淨說法。」

## 往古品第七

佛告舍利弗：「過去久遠無量無邊不可思議阿僧祇劫，爾時有佛，號大莊嚴如來、應供<sup>203</sup>、正遍知、明行足、善逝、世間解、無上士、調御丈夫、天人師、佛、世尊。其佛壽命六十八百萬億歲，有六十八百萬億大弟子眾。其佛滅後，舍利流布，如我滅後無有異也；正法住世亦五百歲，如我滅後無有異也。其佛滅後，大弟子眾於中一

<sup>203</sup> 麗藏：應；永樂北藏及龍藏：應供



日，有百比丘入涅槃者，二百、三百、四百、五百入涅槃者，一日之中或有十萬億比丘入涅槃者。如是展轉，其佛所有多知多識大神通眾，三月之中皆入涅槃。

「舍利弗，大莊嚴佛正法流布，多諸天人所共供養。舍利弗，大莊嚴佛及大弟子滅度之後，漸多有人知沙門法安隱快樂出家學道，而不能知佛所演說甚深諸經無等空義，多為惡魔之所迷惑。時說法者，心不決定，說不清淨，說有我、人、眾生、壽命，不說一切諸法空寂。其佛滅度百歲之後，諸弟子眾分為五部：一名普事，二名苦岸，三名一切有<sup>204</sup>，四名將去，五名跋難陀。

「舍利弗，此普事比丘、苦岸比丘、一切有<sup>205</sup>比丘、將去比丘、跋難陀比丘，是五比丘為大眾師。其普事者知佛所說真實空義無所得法，餘四比丘皆墮<sup>206</sup>邪道，多說有我，多說有人。舍利弗，普事比丘為四部所輕，無有勢力，多人惡賤；四惡比丘多教人眾以邪見道，於佛法中不相恭敬，相違逆故以滅佛法。舍利弗，若有人知普事比丘所說空法，信受不逆，我知此人曾於先世供養五

<sup>204</sup> 麗藏：薩和多；永樂北藏及龍藏：一切有

<sup>205</sup> 麗藏：薩和多；永樂北藏及龍藏：一切有

<sup>206</sup> 麗藏：墮；永樂北藏及龍藏：墮

千佛，有六十八億那由他人已入涅槃。何以故？舍利弗，<sup>207</sup>是人於過去世諸佛所種諸善根，修集<sup>208</sup>無所得空法應入涅槃。

「舍利弗，是苦岸比丘、一切有比丘、將去比丘、跋難陀比丘，皆計有所得，說有我、人、眾生、壽命，徒眾熾盛。是四惡人多令在家、出家住於邪見，捨第一義無所有畢竟空法，貪樂外道尼犍子論。舍利弗，是四惡人，所有在家、出家弟子，常相隨逐乃至法盡。舍利弗，是中有人知非法事，受以為法，勤心行之，猶尚不得順忍，況得須陀洹果？是人猶尚不作消供養事，何況能生順忍？」

「舍利弗，爾時在家、出家弟子多墮惡道不至善道，是諸惡人滅佛正法，亦與多人大衰惱事。又是惡人命終之後，<sup>209</sup>當墮阿鼻地獄，仰臥九百萬億歲，伏臥九百萬億歲，左脇臥九百萬億歲，右脇臥九百萬億歲，於熱鐵上燒然焦爛。是中退死，更生炙地獄、大炙地獄、活地獄、黑繩地獄，皆如上歲數受諸苦惱，於黑繩地獄死還生阿鼻大地獄中。舍利弗，以是因緣，若在家、出家親近

<sup>207</sup> 麗藏：此；永樂北藏及龍藏：是

<sup>208</sup> 麗藏：習；永樂北藏及龍藏：集

<sup>209</sup> 麗藏：墮；永樂北藏及龍藏：當墮



此人，及善知識并諸檀越，凡有六百四萬億人，與此四師俱生俱死，在大地獄受諸燒煮。如是，舍利弗，是人所有善知識家、諸檀越家、弟子、諸師隨順行者，凡在其數，皆生地獄。

「舍利弗，汝等不能知其多少，唯有如來乃能知之，與此惡人墮大地獄俱生俱死，凡有六百四萬<sup>210</sup>億人，如是展轉一劫受苦，大劫將燒故在地獄。何以故？舍利弗，破諸如來阿耨多羅三藐三菩提，其罪甚重不為輕也。大劫若燒，是四惡人及六百四萬億人，從此阿鼻大地獄中轉生他方，在大地獄。何以故？舍利弗，重罪具足其報不少，在於他方無數百千萬億那由他歲受大苦惱；世界還生，是四罪人及六百四萬億那由他<sup>211</sup>人，并及餘人罪未畢竟<sup>212</sup>，於彼命終還生此間大地獄中。

「舍利弗，是四罪人及六百四萬億眾生，久久雖免地獄苦惱得生人中，於五百世從生而盲，然後得值一切明佛如來、應供、正遍知、明行足、善逝、世間解、無上士、調御丈夫、天人師、佛、世尊。舍利弗，一切明佛聲聞弟子一億那由他。爾時人民，身長三百九十六肘，時佛<sup>213</sup>身一倍，

<sup>210</sup> 麗藏：六百四萬；永樂北藏及龍藏：六十四百萬；校勘：六百四萬

<sup>211</sup> 麗藏：億；永樂北藏及龍藏：億那出他

<sup>212</sup> 麗藏：者；永樂北藏及龍藏：竟

<sup>213</sup> 麗藏：佛；永樂北藏及龍藏：時佛

常光圓照十萬億由旬。舍利弗，是人於一切明佛法中出家，十萬億歲勤行精進如救頭然，不得順忍，況得道果？何以故？舍利弗，起破阿耨多羅三藐三菩提罪業因緣，法應當爾；命終之後還生阿鼻大地獄中，以先起重不善業緣<sup>214</sup>。

「舍利弗，是諸人等，如是展轉，乃至我今。於其中間，得值九十九億佛，於諸佛所不得順忍。何以故？佛說深經是人不信，破壞違逆謗毀賢聖持戒比丘，出其過惡起破法業因緣，法當應<sup>215</sup>爾。

「舍利弗，汝且觀之，誹謗聖人不信聖語，受是無量無邊苦惱不得解脫。舍利弗，有諸眾生起破法罪業違逆不信者，其數無量，於九十九億佛所阿僧祇劫，乃至<sup>216</sup>無一人入涅槃者。舍利弗，誰能破諸佛教不信違逆？但凡夫愚癡及增上慢諸惡比丘，并諸不淨說法比丘。何以故？舍利弗，是三種人不名行者、不名得者。是人不信如來法故，毀謗違逆。

「舍利弗，汝<sup>217</sup>謂何者是苦岸比丘不淨說法者？即調達癡人是。汝謂何者是一切有比丘不淨

<sup>214</sup> 麗藏：因緣；永樂北藏及龍藏：緣

<sup>215</sup> 麗藏：應當；永樂北藏及龍藏：當應

<sup>216</sup> 麗藏：乃；永樂北藏及龍藏：乃至

<sup>217</sup> 麗藏：若汝；永樂北藏及龍藏：汝



說法者？即拘迦離比丘是。舍利弗，汝謂何者是將去比丘不淨說法者？即迦毗<sup>218</sup>羅比丘是。汝謂何者是跋難陀比丘不淨說法者？即裸形沙門婆<sup>219</sup>利摩陀是。舍利弗，汝謂爾時清淨如實說諸佛菩提，利益無量眾生者，即是富樓那彌多羅尼子。所說清淨，諸隨學者得值五千佛，有六十八億那由他人，皆已滅度。

「舍利弗，若人實語，何者為是最上法師決了法義清淨說法<sup>220</sup>？當說富樓那彌多羅尼子是<sup>221</sup>。舍利弗，富樓那定心決了所說無難，無有所疑而生論議。舍利弗，若人實語<sup>222</sup>，何者是一切因緣法師？當說富樓那是。舍利弗，富樓那世世所生，常為眾生而作佛事，於九十億諸佛法中，常作法師清淨說法，皆於諸佛所盡其形壽，常修梵行，清淨說法。舍利弗，富樓那亦於七<sup>223</sup>佛法中而作法師，亦於我法中<sup>224</sup>作大法師，成阿羅漢心得解脫。若人實說，何人世世供養諸佛種諸善根？當說富樓那是。舍利弗，富樓那於九十億諸佛法中，勤心求學決定議論，有深智慧。是故如來於諸法

<sup>218</sup> 麗藏：迦；永樂北藏及龍藏：迦毗

<sup>219</sup> 麗藏：波；永樂北藏及龍藏：婆

<sup>220</sup> 麗藏：者；永樂北藏及龍藏：法

<sup>221</sup> 麗藏：富樓那；永樂北藏及龍藏：富樓那彌多羅尼子

<sup>222</sup> 麗藏：說；永樂北藏及龍藏：語

<sup>223</sup> 麗藏：六；永樂北藏及龍藏：七

<sup>224</sup> 麗藏：法；永樂北藏及龍藏：法中

師說為第一。舍利弗，若我一日一夜稱說富樓那功德不盡，若過一日一夜亦復不盡。何以故？富樓那法施，無俗因緣，不貪利養；富樓那法師得四無礙智，唯除如來，諸世界<sup>225</sup>中言辭義理無能勝者。

「舍利弗，我今告汝，若人欲得阿耨多羅三藐三菩提為人說法，則得無量無邊福德，亦能利益無量眾生。舍利弗，若人破壞違逆不信<sup>226</sup>是法者，則起無量重罪因緣。何以故？舍利弗，惡有惡報，善有善報。我以此故，今以是經囑累於汝，當為四眾廣說分明<sup>227</sup>。舍利弗，若聞是經心信歡喜，即得無量無邊福德。若聞不信心不喜樂，即得無量無邊重罪。舍利弗，當知是人名為破戒比丘，若增上慢、不淨說法者。舍利弗，若人違逆如是經<sup>228</sup>者，世世所生常盲無目。

「舍利弗，我今明了告汝，我今所說非如陶師愛護坏器。我今分明廣為四眾，說第一義畢竟空法。堅固者在，不堅固者破。何以故？舍利弗，佛得阿耨多羅三藐三菩提，不為邪見惡人說法，不為我見、人見、眾生見、壽命見者說法。何以

<sup>225</sup> 麗藏：間；永樂北藏及龍藏：界

<sup>226</sup> 麗藏：信；永樂北藏及龍藏：言；校勘：信

<sup>227</sup> 麗藏：別；永樂北藏及龍藏：明

<sup>228</sup> 麗藏：教；永樂北藏及龍藏：經



故？是諸貪著皆名邪見。舍利弗，如是我見、人見不得順忍，況得道果？舍利弗，若我見、人見、眾生見、壽命見、斷見、常見者，能得順忍，能得道果，無有是處。是故，舍利弗，若人成就如是見者，於我法中，我則不聽受諸供養，是非行者，亦非得者，但於我法求自活命。

「舍利弗，我說外道欲入佛法，應試四月。何以故？諸外道人，多有我見、人見、眾生見、壽命見、斷見、常見。舍利弗，我諸弟子無有我見、人見、眾生見、壽命見、斷見、常見。我諸弟子但說空、無相、無願、無所得忍，說識無所住。舍利弗，若有成就如是忍者，我聽是人出家受戒，得受供養衣服、飲食、臥具、醫藥。若人無是忍者，應先試之，先教令住諸法無我。舍利弗，若於此忍心不歡喜，聞說第一義空驚疑譏呵<sup>229</sup>，聞說我見心則歡喜，當知是人為魔所使，若先外道。

「舍利弗，智者於此不應生憂，但於此人應生悲心。何以故？舍利弗，若人成就如是惡者，所獲惡報說不可盡，當於此人生利益心，教以諸法無我、諸法空寂、諸法無作、無有受者。是人

<sup>229</sup> 麗藏：訶；永樂北藏及龍藏：呵

若愛佛法，得聞是事心喜樂者，其餘空行比丘無所得者，皆應示教利喜安慰其心，為說諸法無所有空；若聞驚畏，應於眾中語其和尚<sup>230</sup>、阿闍黎<sup>231</sup>，如經中說行空行者。有<sup>232</sup>能了知諸法別相，我與為師，不與我見、人見、顛倒邪見、貪著持戒者為師。

「如來聽許具正見者而共布薩，不聽破戒邪見之人、破威儀者而共布薩。長老弟子聞說空寂無所有法，心不信樂志在外道，佛不聽與外道布薩，是人若當不捨是見，不應聽使得入僧事，亦不受其欲。如是作已猶故不捨，當知是人不得在道，便是永棄，應語其和尚<sup>233</sup>、阿闍黎<sup>234</sup>，不應復畜。舍利弗，若僧如是，則供養我，亦為善破外道邪見，是名清淨說戒布薩。

「舍利弗，我今明了告汝，若人受是我見、人見、眾生見、有無見，是人不得供養於我，不得隨我出家受戒，是名隨逐六師出家，以六師為師。舍利弗，若人於是清淨實法不能得忍，而受供養，是人所得則為邪受。舍利弗，是人雖於我

<sup>230</sup> 麗藏：上；永樂北藏及龍藏：尚

<sup>231</sup> 麗藏：梨；永樂北藏及龍藏：黎

<sup>232</sup> 麗藏：又；永樂北藏及龍藏：有

<sup>233</sup> 麗藏：上；永樂北藏及龍藏：尚

<sup>234</sup> 麗藏：梨；永樂北藏及龍藏：黎



法中出家護持淨戒，而於第一義空無所得法，心不信解驚怖疑悔，當知是人但貴持戒、多聞、禪定。舍利弗，是人不能名供養、恭敬、尊重於我。何以故？舍利弗，無始世來無有眾生不得四禪，若但知得四禪謂為沙門利者，是人何名供養於我？是故，舍利弗，我今明了告汝，當來世人，於我法中種種貪著、種種邪見，毀壞我法。

「舍利弗，若人但貴持戒、多聞、禪定，當知是人不能淨行沙門諸法，我則不說此人名為沙門婆羅門。舍利弗，若人於一切法無我，如實知見<sup>235</sup>無我，一切法本來無所有空，能如實知無所有空，是則不以持戒為上、多聞為上、禪定為上。何以故？舍利弗，諸法實相無生無起，於中無法可為上者。舍利弗，是諸法如實中，無持戒者，無破戒者，何況貪著而以為上？舍利弗，是名諸佛阿耨多羅三藐三菩提，謂一切法無相、自相空、無我、無人。若有是忍，是名行者，是名得者。是人名為以信出家，應受供養清淨布薩，是人則為人中之天。

「舍利弗，諸佛阿耨多羅三藐三菩提，唯是一義，所謂離也。何等為離？離諸欲、諸見。欲

<sup>235</sup> 麗藏：知；永樂北藏及龍藏：知見

者即是無明，見者即是憶念。何以故？一切諸法憶念為本，所有念相<sup>236</sup>即為是見，見即是邪。舍利弗，善法中見，我亦說之名為邪見。何以故？舍利弗，離欲寂滅中無法無非法、無善無惡，是事皆空，遠離諸結一切憶念，是故名離。舍利弗，無上道中諸欲永息。何等諸欲？謂邪不善念，若我若我所、作相事相。是名阿耨多羅三藐三菩提中諸欲永息。」

## 淨見品第八

佛告舍利弗：「我念過世求阿耨多羅三藐三菩提，值三十億佛，皆號釋迦牟尼。我時皆作轉輪聖王，盡形供養，及諸弟子衣服、飲食、臥具、醫藥，為求阿耨多羅三藐三菩提。而是諸佛不記我言：『汝於來世當得作佛。』何以故？以我有所得故。」

「舍利弗，我念過世得值八千佛，皆號定光。我時皆作轉輪聖王，盡形供養，及諸弟子衣服、飲食、臥具、醫藥，為求阿耨多羅三藐三菩提。而是諸佛皆不記我：『汝於來世當得作佛。』何以故？以我有所得故。」

<sup>236</sup> 麗藏：想；永樂北藏及龍藏：相



「舍利弗，我念過世值六萬佛，皆號光明。我時皆作轉輪聖王，盡形供養，及諸弟子衣服、飲食、臥具、醫藥，為求阿耨多羅三藐三菩提。而是諸佛亦不記我：『汝於來世當得作佛。』何以故？以我有所得故。

「舍利弗，我念過世值三億佛，皆號弗沙。我時皆作轉輪聖王，四事供養，皆不記我，有<sup>237</sup>所得故。

「舍利弗，我念過世得值萬八千佛，皆號山王，劫名上八。我皆於此萬八千佛所，剃髮法衣<sup>238</sup>，修習阿耨多羅三藐三菩提，皆不記我，以有所得故。

「舍利弗，我念過世得值五百佛，皆號華上。我時皆作轉輪聖王，悉以一切供養諸佛及諸弟子，皆不記我，以有所得故。

「舍利弗，我念過世得值五百佛，皆號威德，我悉供養，皆不記我，以有所得故。

「舍利弗，我念過世得值三<sup>239</sup>千佛，皆號憍陳如。我時皆作轉輪聖王，悉以一切供具供養諸佛，皆不記我，以有所得故。

<sup>237</sup> 麗藏：以有；永樂北藏及龍藏：有

<sup>238</sup> 麗藏：著法衣；永樂北藏及龍藏：法衣

<sup>239</sup> 麗藏：二；永樂北藏及龍藏：三

「舍利弗，我念過世值九千佛，皆號迦葉。我以四事供養諸佛及弟子眾，皆不記我，以有所得故。

「舍利弗，我念過去於萬劫中無有佛出，爾時初五百劫，有九萬辟支佛，我盡形壽，悉皆供養衣服、飲食、臥具、醫藥，尊重讚歎。次五百劫，復以四事供養八萬四千億諸辟支佛，尊重讚歎。舍利弗，過是千劫已，無復辟支佛，我時閻浮提死，生梵世中作大梵王，如是展轉五百劫中，常生梵世作大梵王，不生閻浮提。過是五百劫已，下生閻浮提，治化閻浮提，命終生四天王天，於中命終生忉利天，作釋提桓因。如是展轉滿五百劫，生閻浮提滿五百劫，生於梵世作大梵王。」舍利弗，我於九千劫中，但生<sup>240</sup>閻浮提，九千劫中但生天上，劫盡燒時生光音天，世界成已還生梵世，九千劫中都不生人中。舍利弗，是九千劫無有諸佛、辟支佛，多諸眾生墮在惡道。

「舍利弗，是萬劫過已，有佛出世，號<sup>241</sup>普守如來、應供、正遍知、明行足、善逝、世間解、無上士、調御丈夫、天人師、佛、世尊。我於爾時梵世命終，生閻浮提作轉輪聖王，號曰共天。

<sup>240</sup> 麗藏：一生；永樂北藏及龍藏：生

<sup>241</sup> 麗藏：號曰；永樂北藏及龍藏：號



人壽九萬歲。我盡形壽以一切樂具，供養彼佛及九十億比丘，於九萬歲為求阿耨多羅三藐三菩提，是普守佛亦不記<sup>242</sup>我：『汝於來世當得作佛。』何以故？我於爾時不能通達諸法實相，貪著計我有所得見。

「舍利弗，於是劫中有百佛出，名號各異。我時皆作轉輪聖王，盡形供養及諸弟子，為求阿耨多羅三藐三菩提，而是諸佛亦不記我：『汝於來世當得作佛。』以有所得故。

「舍利弗，我念過世第七百阿僧祇劫中，得值千佛，皆號閻浮檀。我盡形壽四事供養，亦不<sup>243</sup>記我，以有所得故。

「舍利弗，我念過世，亦於第七百阿僧祇劫中，得值六百二十萬諸佛，皆號見一切義。我時皆作轉輪聖王，以一切樂具盡形供養及諸弟子，亦不記我，以有所得故。

「舍利弗，我念過世亦於第七百阿僧祇劫中，得值八十四佛，皆號帝相。我時皆作轉輪聖王，以一切樂具盡形供養及諸弟子，亦不記我，以有所得故。

「舍利弗，我念過世亦於第七百阿僧祇劫中，

<sup>242</sup> 麗藏：說；永樂北藏及龍藏：記

<sup>243</sup> 麗藏：無；永樂北藏及龍藏：不

得值十<sup>244</sup>五佛，皆號日明。我時皆作轉輪聖王，以一切樂具盡形供養及諸弟子，亦不記我，以有所得故。

「舍利弗，我念過世亦於第七百阿僧祇劫中，得值六十二佛，皆號善寂。我時皆作轉輪聖王，以一切樂具盡形供養，亦不記我，以有所得故。如是展轉乃至見錠<sup>245</sup>光佛，乃得無生忍，即記我言：『汝於來世過阿僧祇劫，當得作佛，號釋迦牟尼如來、應供、正遍知、明行足、善逝、世間解、無上士、調御丈夫、天人師、佛、世尊。』」

「舍利弗，我念過世有十二億轉輪聖王，皆字頂生。又舍利弗，我念過<sup>246</sup>世有三十億轉輪聖王，皆名摩訶刪<sup>247</sup>摩陀那。舍利弗，我念過世曾見<sup>248</sup>有四十億轉輪聖王，皆字摩訶提婆。舍利弗，我念過世有一億轉輪聖王，皆字億螺<sup>249</sup>。舍利弗，我念過世有一萬<sup>250</sup>轉輪聖王，皆字稱尾<sup>251</sup>。舍利弗，我念過世有一萬轉輪聖王，皆字照明。舍利弗，我念過世有二萬轉輪聖王，名字各異。舍利

<sup>244</sup> 麗藏：六十；永樂北藏及龍藏：十

<sup>245</sup> 麗藏：定；永樂北藏及龍藏：錠

<sup>246</sup> 麗藏：過；永樂北藏及龍藏：我念過

<sup>247</sup> 麗藏：那；永樂北藏及龍藏：刪

<sup>248</sup> 麗藏：世；永樂北藏及龍藏：世曾見

<sup>249</sup> 麗藏：螺（律嬌反）；永樂北藏及龍藏：螺

<sup>250</sup> 麗藏：億；永樂北藏及龍藏：萬

<sup>251</sup> 麗藏：尾（覓視反）；永樂北藏及龍藏：尾



弗，我念過世有十六億轉輪聖王，名字各異。是諸王等，我於餘處為阿難說。舍利弗，於意云何？汝謂是諸王者，豈異人乎？即我身是。

「舍利弗，我念過去時世有佛，號曰善明。彌勒菩薩時作轉輪聖王，字曰照明，初發阿耨多羅三藐三菩提心，於時眾生壽八萬四千歲。其善明佛三會說法，初會九十六億人一時得道；第二大會九十四億人一時得道；第三大會九十二億人一時得道。時王見佛，三會說法度人無量，心大歡喜，即於萬歲，一切供養佛及弟子，發心求阿耨多羅三藐三菩提：『於未來世，眾生易度，我當成佛，壽命限量，比丘僧數，圍繞如是。』舍利弗，我知是事過此無量。

「舍利弗，彌勒發心四十劫已，我乃發心。無勝佛所初種善根，我於千歲，一切樂具供養是佛，五百張<sup>252</sup>而奉。是佛滅後起七寶塔，高一由旬，縱廣半由旬，皆以金銀、琉璃、<sup>253</sup>、赤真珠所成。心常發願：『眾生苦惱無救度者，遭值惡法多墮惡趣，我於爾時當成佛道。』

「舍利弗，汝且觀之，阿耨多羅三藐三菩提

<sup>252</sup> 麗藏：疊；永樂北藏及龍藏：氎

<sup>253</sup> 麗藏：頗梨、車渠、馬瑙；永樂北藏及龍藏：玻璃、碑磔、碼碯

甚難修習。舍利弗，我修習阿耨多羅三藐三菩提，無央數世受諸苦惱，我若說者汝聞愁悶，我諸所受勤苦憂惱，皆為求<sup>254</sup>阿耨多羅三藐三菩提。舍利弗，汝觀薩和檀菩薩、求善法菩薩、常悲菩薩、不放逸菩薩、常精進菩薩，供養若干諸佛受諸苦惱，猶尚難得阿耨多羅三藐三菩提，何況是諸癡人乃無一念為求涅槃？舍利弗，如是行者猶尚甚難，況不行者？

「是故，舍利弗，我今明了告汝，以下法者不得上法，用上法者乃得上法。何等下法？謂身惡業、口惡業、意惡業。下法名為不能勤心修習善法；下法名為懈怠、懶惰<sup>255</sup>、破所受戒。舍利弗，是名下中下者。又下中下者，於我法中出家，生有所得見、我見、人見、眾生見。何以故？舍利弗，如來於此了了見<sup>256</sup>知，有所得者乃無順忍，況得道果？舍利弗，若有所得者，百千萬億諸佛以三輪示現，是人若當不捨是見，尚不消人一口飲食，況得道果？

「舍利弗，我見、人見得涅槃者，一切凡夫皆應滅度。何以故？我見、人見皆是邪見。諸凡

<sup>254</sup> 麗藏：求得；永樂北藏及龍藏：求

<sup>255</sup> 麗藏：嬾墮；永樂北藏及龍藏：懶惰

<sup>256</sup> 麗藏：現；永樂北藏及龍藏：見



夫人，多貪著我、我所見、人見、眾生見。是故一切凡夫應得涅槃。

「舍利弗，若人作念有我、有人，是人若當不捨是見得入涅槃，一切凡夫應得聖道。何以故？一切凡夫皆是我見、人見。是故我見、人見入涅槃者，一切凡夫皆入聖道，於聖道中則無所少。

「舍利弗，若人作念：『有我見者，則有涅槃。是人即<sup>257</sup>是聖道，不須餘念。何以故？一切凡夫我見、人見無所少故。』如是癡人有是過失，謂諸凡夫皆入聖道，聖道無繫。是人修時應當殺生，受諸五欲，起五逆罪。是故，癡人於聖道中有五逆罪。何以故？一切凡夫皆說有我、有眾生故。若人作如是言：『成就五逆罪者不入涅槃，說我、人者得入涅槃。』即是妄語，亦是謗佛，於我法中，又不能得清淨出家。

「舍利弗，我今明了告汝，有所得者無有涅槃。有所得者若有涅槃，是則諸佛不出於世，一切凡夫皆入涅槃。何以故？一切凡夫皆有我見、人見，皆有所得，皆是邪見。

「舍利弗，汝且觀我，幾時成就有所得見非賢聖行，諸佛不與我授記言：『汝於來世當得作

<sup>257</sup> 麗藏：得；永樂北藏及龍藏：即

佛。』舍利弗，我如是行猶不得記，況是癡人但以持戒、多聞、禪定等生我見、人見、眾生見？舍利弗，我說此人不名行者，不名得者。何以故？舍利弗，長夜貪著如是邪見，不得滅度故。如是癡人不作是念：『我等何不試行修習無我人法？我等或得斷眾苦聚。』舍利弗，譬如從生盲人，走避惡狗墮深大<sup>258</sup>坑。舍利弗，我謂癡人如是修習我見、人見、有所得見，以是諸見欲望清淨；是人隨所貪著，即以是事欲得涅槃，我說是人當墮惡道。

「舍利弗，譬如盲人於深大<sup>259</sup>坑生安隱心，如是癡人於我、人見、有所得見生安隱心。是人長夜隨所著者，為之欺誑還著是事，於我法中而受供養，如是癡人長夜衰惱墮惡道中。

「舍利弗，譬如大灌頂王，自於所治國中威勢自在，是人應奪，是人應驅。若諸民眾不順王意，說王過惡沮壞人心，不能護城謀欲反叛。王知是人為是大賊，於大眾中打惡聲鼓，苦治其罪驅擯令出，以其不能盡忠護城，得是苦惱。舍利弗，佛亦如是，於無量劫修習阿耨多羅三藐三菩提，為大法王，於法國土有大威力。諸弟子中有

<sup>258</sup> 麗藏：火；永樂北藏及龍藏：大

<sup>259</sup> 麗藏：火；永樂北藏及龍藏：大



知法味，乃至失命不毀我教，諸天世人無能壞者；所受教中，自不惡逆，亦不教他。我於眾中有大威力，自在立教為護法城，不使惡賊毀壞得入，竊受如來所說密法，向諸怨賊邪見者說。

「舍利弗，如來現在善護法城，四大弟子智慧深遠，<sup>260</sup>令我法城不懼破壞。若與法城作障礙者，為是大賊，毀壞法城，盜我密法向外道說。是人常來至於我所，我與共語，示其教法，不說密要。是人為求所示教法，出家受戒。我知此人後應得道，聽使出家，四月中試。何以故？為護法城故，又使未來世賊不更起故。如是如來善護法城使不得便，所謂令受佛教捨本惡<sup>261</sup>邪，諸比丘眾皆應歡喜，聽使出家得受戒已，天人世間不能轉動<sup>262</sup>。

「舍利弗，何等是可試者？謂外道人及樂外道法者。舍利弗，何等是樂外道法？所謂有所得者、我見<sup>263</sup>人見者、眾生見者、貪著<sup>264</sup>邪者、於自相空法中<sup>265</sup>心生疑者，受行種種邪虛妄法，不能入於第一義空，行諸邪道，其<sup>266</sup>人名為樂外道

<sup>260</sup> 麗藏：今；永樂北藏及龍藏：令

<sup>261</sup> 麗藏：動轉；永樂北藏及龍藏：轉動

<sup>262</sup> 麗藏：見者；永樂北藏及龍藏：見

<sup>263</sup> 麗藏：者；永樂北藏及龍藏：著

<sup>264</sup> 麗藏：法；永樂北藏及龍藏：法中

<sup>265</sup> 麗藏：是；永樂北藏及龍藏：其

法。

「舍利弗，不可試以種種色衣，若白衣人，若著袈裟。有如是不善有所得見，皆名外道。於我法中出家受戒，是人應試。何以故？有所得者，於我法中即是邪見，是名大賊。一切世間天人中賊，是名一切世間怨家、諸佛大賊。舍利弗，是邪見人，我則不聽出家受戒。

「舍利弗，一切法無我，若人於中不能生忍，一切法空、無我、無人、無眾生、無壽命不能信解，於我法中所受供養，名為不淨。是人則是不供養佛、不供養法、不供養僧。強入我法，形是沙門，心是外道，為盜法人。

「舍利弗，於未來世，當有比丘不修身、不修戒、不修心、不修慧。是人輕笑如來所說、如來所行。如來常於第一義空，恭敬供養，常樂是行。是諸比丘，輕笑如來所行真際畢竟空法。舍利弗，爾時若有苦行比丘，亦共輕笑。今<sup>266</sup>我弟子有行空者，我讚其善，安慰其心。爾時，是人輕笑行空<sup>267</sup>，但求不牢堅<sup>268</sup>事，以有我及有諸法如是等事，令眾心喜。若說一切諸法空者，亦輕

<sup>266</sup> 麗藏：今；永樂北藏及龍藏：令；校勘：今

<sup>267</sup> 麗藏：輕蔑空行；永樂北藏及龍藏：輕笑行空

<sup>268</sup> 麗藏：堅牢；永樂北藏及龍藏：牢堅



是人。何以故？舍利弗，法應爾也！眾生善根欲斷，本相則現，真實妙法在於世間無有受者。譬如癡人，以栴檀香同於猥木。

「舍利弗，迦葉佛說：『未來世中，釋迦牟尼佛諸弟子眾，以利養故，為諸白衣說第一義空。爾時，多有在家、出家，愚癡不受，違逆不信，而反誹謗，失於大利。以是因緣，當墮惡道。』」

「舍利弗，爾時多有相違諍論，我論、人論、眾生論、壽者論、命者論，善法欲少，但樂利養，實是愚癡自謂有智，互相違逆，常共諍說<sup>269</sup>，樂有斷事，生怨嫉心。是人捨沙門法，但求利養，多樂事務，所營非一，常樂伺求他人長短，自隱其過，稱說功德，如今比丘覆藏功德，自出過惡。當爾之時，咸共不能護持重戒，無所曉故破於義利<sup>270</sup>，而言：『諸法空、自相空，何所能作？』如那羅戲人種種變現，無所知者見之大笑。何以故？不解<sup>271</sup>戲法其術隱故，生希有心驚怪大笑。如是，舍利弗，爾時真實比丘說空寂法，求活命者咸共嗤笑。何以故？是人不知佛法義故，聞說空法驚疑怖畏。舍利弗，汝觀此人，於安隱處生

<sup>269</sup> 麗藏：訟；永樂北藏及龍藏：說

<sup>270</sup> 麗藏：儀則；永樂北藏及龍藏：義利

<sup>271</sup> 麗藏：知；永樂北藏及龍藏：解

衰惱心，於衰惱處生安隱心，是人顛倒逆行善法，順行惡法。舍利弗，如是癡人，多懷慳貪、瞋恚、愚癡，具行三不善根。

「舍利弗，我為利益持戒比丘故，說二百五十戒經。如是癡人，乃以世間小因緣故，向在家者說，乃至書寫以示白衣。舍利弗，如是癡人說言：『諸法空、自相空，何所能作？』何以故？如是癡人，尚不能除慳貪煩惱，何況能斷無明？

「舍利弗，爾時持律比丘不能善學，諸說法者亦不善學，讚修多羅<sup>272</sup>者亦不善學。舍利弗，云何名為持律比丘不能善學？如來經中說有三學：善戒學、善心學、善慧學。是人於三學中不能善學，但以多聞因緣輕慢他人，是人則為障礙善法。如是癡人，猶尚不能如法答問，況於畢竟空無所有中能發精進？

「舍利弗，爾時，破戒比丘樂為白衣執事，宣通使命，療治病法，以自生活。舍利弗，汝今觀此惡人，於我法中出家受戒，得受供養，而反以我為怨。舍利弗，爾時，四天王、釋提桓因、大梵天王，乃至百千萬億諸天，見我法中如是毀壞，皆大憂愁，啼泣涕零。舍利弗，是實不應依

<sup>272</sup> 麗藏：讀誦修妬路；永樂北藏及龍藏：讚修多羅



止於我，而為白衣營執事務。何以故？釋迦牟尼佛弟子，乃至諸天龍神猶尚不應為作給使，諸天龍神於我弟子與作給使。如是癡人所親近白衣，若能修習通達諸法第一義空，無有是處。

「舍利弗，爾時，破戒比丘乃至為得大<sup>273</sup>杯酒故，與諸白衣演說佛法。於意云何？多貪恚癡，多樂讀經貪外經利，行不清淨，是人能得信解無所有畢竟空法，能得具足沙門果不？」

「不也。世尊！」

「舍利弗，若有比丘，趣得衣服、飲食、臥具、醫藥，持戒清淨，不樂憤<sup>274</sup>鬧散亂語言<sup>275</sup>，不貪外義，晝夜精勤如救頭然，一心勤行八直聖道，是人於空無所得法尚難通達，況是癡人，無有深欲，無有信解？舍利弗，汝觀是人，不知如來無上義故破我正法，自為己身及為他人作大衰惱。如是大賊，世間怨家，此經中說，應當遠離。是人於佛尚不知恩，自念：『我等所為出家，於此法中不應行處則不應行。』是故，舍利弗，如來欲使未來世中止此惡故，說如是經。若有比丘破所受戒，毀破威儀及破正見，得聞是經怖畏反

<sup>273</sup> 麗藏：一；永樂北藏及龍藏：大

<sup>274</sup> 麗藏：眾；永樂北藏及龍藏：憤

<sup>275</sup> 麗藏：語言；永樂北藏及龍藏：言語

戒。何以故？破戒之人，不應於彈指頃住聖人相在袈裟中。若聞是經心歡喜者，是人名為供養諸佛，守護佛道。何以故？舍利弗，是名佛道真際。善男子<sup>276</sup>、善女人欲得沙門法者，為聽是經，應過百千萬億由旬。何以故？諸佛如來久乃出世，雖出於世，時乃說之。」

佛藏經卷第三

<sup>276</sup> 麗藏：若善男子；永樂北藏及龍藏：善男子



# 佛藏經卷第四

姚秦三藏法師鳩摩羅什譯

## 了戒品第九

佛告舍利弗：「有三種人，聞說是經心不喜樂。何等為三<sup>277</sup>？一者、破戒比丘；二者、增上慢人；三者、不淨說法及貪著我者。是人遠離於此隨順實相深經，具足充滿生盲部黨。是故，舍利弗，我以是經重囑累汝。所以者何？是經於如來滅後，能令清淨持戒比丘心生喜樂。如是深經，清淨戒者常所攝持，毀破戒者常所遠離。所以者何？癡人聞說真實正語，則以為苦。

「舍利弗，破戒比丘所成相貌，如來於此已具廣說。舍利弗，破戒比丘法應不樂持戒律儀；愚癡之人不喜智慧；慳人不欲聞說布施；增上慢人者<sup>278</sup>不欲聞此無憍慢法，若聞驚畏如墮深坑；好世利者貪著美味，聞呵訾<sup>279</sup>食心則憂惱；若人好讀外道<sup>280</sup>經書者，則於其中生堅實想；貪著語

<sup>277</sup> 麗藏：三；永樂北藏及龍藏：為三

<sup>278</sup> 麗藏：者；永樂北藏及龍藏：人者

<sup>279</sup> 麗藏：訶訾；永樂北藏及龍藏：呵訾

<sup>280</sup> 麗藏：外；永樂北藏及龍藏：外道

者，樂說散亂，樂說<sup>281</sup>嚴飾辭；巧美說者，於佛第一義則無淨心，又於此法不敬不信。舍利弗，譬如不男之人無男子用，至男子中生不男想，而作是念：『是諸人等如我無異。』如是好看外道<sup>282</sup>書者，常樂嚴飾巧美文辭，於佛第一義心不恭敬。舍利弗，其中有人說清淨經，於此人所亦不恭敬，輕慢清淨持戒比丘。何以故？舍利弗，外道經書無真實語，法應憍慢、貢高、自大。何以故？是事不為厭離、不為寂滅、不為得道、不為涅槃，是人毀壞信等根<sup>283</sup>故，於一切處不信有功德，如不男人於諸人中皆謂如己。

「舍利弗，如生盲人不見諸色，所謂黑色、白色，不見黑白色者；不見好色，不見醜色；不見青、黃、赤、白、紅、紫、縹色；不見長短、麤細、深淺等色；不見日月星宿，不見日月星宿者。如是盲人便作是念：『無黑白色，無見黑白色者，無好無醜<sup>284</sup>色，無青黃紫縹、長短麤細深淺、日月星宿色，無見日月星宿者，餘人皆亦如我<sup>285</sup>！』盲人心倒，於一切處皆為<sup>286</sup>黑闇。舍利

<sup>281</sup> 麗藏：樂說；永樂北藏及龍藏：樂

<sup>282</sup> 麗藏：著外經；永樂北藏及龍藏：看外道

<sup>283</sup> 麗藏：善根；永樂北藏及龍藏：根

<sup>284</sup> 麗藏：醜；永樂北藏及龍藏：無醜

<sup>285</sup> 麗藏：是；永樂北藏及龍藏：我

<sup>286</sup> 麗藏：謂；永樂北藏及龍藏：為



弗，破戒比丘、增上慢人、隨<sup>287</sup>外道論比丘亦復如是，於深佛法心不信樂，不能通達；聞諸法空無所有，不信不樂，不能通達。舍利弗，如是諸人，畏於汝等，入邪際中，不得正法，以是正法名為真實沙門。汝所得法，是人不信，猶如盲人謂無黑白<sup>288</sup>等色。

「舍利弗，是人如是入於邪際，求外道論，樂眾鬧語，增長煩惱、惡性、惡法，是人不能信諸法空，何況通達？舍利弗，於意云何？野干作師子，為能已吼、今吼、當吼？作師子行，今行、當行、已行不？」

「不也。世尊！何以故？野干色力音聲不及師子，野干但能作野干聲，若欲作聲，但有野干聲出，非師子聲。」

「如是，舍利弗，破戒比丘、增上慢比丘自以此事為上，不淨說法者受尼捷<sup>289</sup>子論，若執一事堅持不捨，貪貴世利樂讀經書，不能通曉<sup>290</sup>諸法實相。若能信受無相法者，無有是處。

「舍利弗，若有比丘，耆年有德，比丘中龍，有深智慧，是人能信無所有自相空法、無我無人

<sup>287</sup> 麗藏：墮；永樂北藏及龍藏：隨

<sup>288</sup> 麗藏：白黑；永樂北藏及龍藏：黑白

<sup>289</sup> 麗藏：捷；永樂北藏及龍藏：捷

<sup>290</sup> 麗藏：達；永樂北藏及龍藏：曉

法。何以故？是人樂眾鬧雜語，不樂讀經睡眠多事；不為白衣營執事務；不為使命持送文書；不行醫術、不讀醫方、不為販賣、不樂論說世間語言；但樂欲說出世間語。是人能信一切法空，於一切法不起不壞。是人則能證真實際，則能如實正師子吼，非野干吼。

「舍利弗，若有比丘著外經義，是人為捨微妙佛法，誦持外道語言為大眾說，但作野干吼。舍利弗，如是惡人名為朽壞沙門。何以故？是外道義，非佛法故。

「舍利弗，著外道法比丘，不應自稱是佛弟子。何以故？沙門釋子不說尼<sup>291</sup>捷子語，於大眾中但說佛語。舍利弗，若人著不淨語，欲作師子吼，但作野干鳴，是人不能解佛法第一義。

「舍利弗，我今明了告汝，若人具足持戒、禪定、智慧，不慳不貪，不染恚癡，不懷諂曲，有厭惡心，言必真實，常樂獨處，不樂睡眠，樂空無相無願、無生無滅行，生離欲心，求解佛法第一義，不好世語，樂出世語，盡持諸戒，一切惡事及惡知識悉皆遠離，住如是法，則能解空無所有法。何以故？舍利弗，是行名為大人所行，

<sup>291</sup> 麗藏：捷；永樂北藏及龍藏：捷



非是貪樂利養所行，非是愚癡常人所行，非是敗壞沙門所行，非是糠糟<sup>292</sup>沙門所行，非是假名沙門所行。

「舍利弗，諸法實相畢竟空寂，即是佛道；好世財利貪說不淨法者，所不能及。舍利弗，是地名為大智者地，非是貪樂外道者地，非是<sup>293</sup>說我見人見者地。

「舍利弗，若實有我有人者，說我人者應有實相。如實應問：『若有我者，為是何色？青黃赤白？為在身中？為在身外？為遍在身，如油在麻？』舍利弗，麻中有油，可出可示。若我在內說有我者，應說：『應示。如從麻中出油示油。』第一義中求我不可得，是故當知，若說有我人者，是人猶尚無沙門戒，況沙門地？

「舍利弗，當知如是邪貪著者，所謂著我、著眾生、著壽命者，則為墮頂。是人如是邪貪著故，尚不能除貪利養心，況細煩惱？舍利弗，通達空者，若為貪欲、瞋恚、愚癡、利養所覆，無有是處，亦不墮頂。

「舍利弗，計我心者謂有壽命，壽命因緣故，則為利養所牽，障礙於道。舍利弗，我見者、人

<sup>292</sup> 麗藏：糟糠；永樂北藏及龍藏：糠糟

<sup>293</sup> 麗藏：非；永樂北藏及龍藏：非是

見者，雖於我法出家為道，如是癡人於清淨法<sup>294</sup>中則非出家。何以故？尼捷<sup>295</sup>子出家，皆計我心有所得故。舍利弗，有所得者，從無始世常有此見，若得出家猶有不絕，是名因外道出家，不名因聖法出家。何以故？弊人不能信樂大法，於清淨大法無有<sup>296</sup>真實相<sup>297</sup>。

「舍利弗，如是破法重罪因緣餘殃未盡，不能信解諸法實相，起大苦<sup>298</sup>業，或謗八直聖道；或於淨戒比丘而生惡心，妄出其過；或言破戒、破見、破命、破威儀；或不見他過妄生是非；或以濁恚嫉心說他惡名；或不能知佛經義理謂非佛法。如是惡人成就破法惡業，於佛第一義中，心不通達，不入不喜<sup>299</sup>，如是重罪餘報因緣，雖勤精進，猶尚不能取所緣相，何況繫心能得道果？又深依止我見人見如是見者，乃至諸佛猶亦不能拔其根本，何況聲聞？」

「舍利弗，若人有如是貪著不善邪見，謂我見、人見、眾生見、壽者見、命者見，又於第一義空驚疑畏者，當知是人先世成就破法罪緣。舍

<sup>294</sup> 麗藏：清淨；永樂北藏及龍藏：清淨法

<sup>295</sup> 麗藏：捷；永樂北藏及龍藏：捷

<sup>296</sup> 麗藏：無；永樂北藏及龍藏：無有

<sup>297</sup> 麗藏：想；永樂北藏及龍藏：相

<sup>298</sup> 麗藏：不善；永樂北藏及龍藏：大苦

<sup>299</sup> 麗藏：喜；永樂北藏及龍藏：善；校勘：喜



利弗，若人如是貪著惡邪不善，謂貪我、貪人、貪壽命者，是人雖<sup>300</sup>百千億諸佛以三輪示現，不能令悟使得道果。

「舍利弗，寧以利刀割舌，不應不見他事妄說其過——破戒、破見、破命、破威儀。舍利弗，於未來世，當有比丘善護二百五十戒，是人懈<sup>301</sup>慢心生，而作是念：『我是持戒，餘人不爾！』輕於他人，心無恭敬。『我是多聞，彼非多聞。』舍利弗，爾時多有比丘，但貴持戒，多行阿蘭若行，善護<sup>302</sup>戒品，亦隨<sup>303</sup>所說行，勤心讀經，求通佛法。如是人等，生多聞慢、阿練若慢，而好瞋恚，心常垢濁，深懷慳貪瞋恚毒心，頑鈍無知，以小因緣而起大事。是人瞋恚覆心，互相出過，謂破戒、破見、破命、破威儀。舍利弗，如是僧中有好比丘，心無偏黨處在中間，而亦謂<sup>304</sup>之在彼惡中，互相譏論，諍訟不息，不得安隱坐禪讀經，在家出家皆亦擾<sup>305</sup>動。

「如是，舍利弗，爾時多有比丘，一歲、二歲、三歲乃至九歲，輕慢上座無有恭敬。是人出

<sup>300</sup> 麗藏：是人；永樂北藏及龍藏：是人雖

<sup>301</sup> 麗藏：我；永樂北藏及龍藏：懈

<sup>302</sup> 麗藏：能善護；永樂北藏及龍藏：善護

<sup>303</sup> 麗藏：隨；永樂北藏及龍藏：亦隨

<sup>304</sup> 麗藏：同；永樂北藏及龍藏：謂

<sup>305</sup> 麗藏：燒；永樂北藏及龍藏：擾

家受戒多不如法，習効和尚<sup>306</sup>、阿闍黎<sup>307</sup>亦無恭敬。舍利弗，爾時年少比丘及先出家，無有依止，共相輕慢十歲比丘所畜徒眾，其諸徒眾皆無恭敬，威儀法則亦不如法。舍利弗，時諸惡人，具足貪欲、瞋恚、愚癡，互相輕慢，無有恭敬，相違逆故我法則滅。舍利弗，時諸癡人多起破法罪業，起此罪已，當墮地獄<sup>308</sup>。

「舍利弗，我今明了告汝，求自利己善比丘，當爾之時不應入眾，乃至一宿；唯除阿羅漢，煩惱已斷，及病比丘，於中有緣。何以故？舍利弗，當爾時人，貪欲、瞋恚、愚癡毒盛，不活怖畏常所逼切，求利善人當<sup>309</sup>應自處山林空靜，乃至畢命如野獸死。

「舍利弗，我今明了告汝，我此真法不久住世。何以故？眾生福德善根已盡，濁世在近，求自利己<sup>310</sup>善比丘應生如是厭心：『我當云何？見法破亂、見此沙門惡世難時，我當勤心精進早得道果。』

「舍利弗，我法無諸難事，不<sup>311</sup>乏衣食、臥

<sup>306</sup> 麗藏：上；永樂北藏及龍藏：尚

<sup>307</sup> 麗藏：梨；永樂北藏及龍藏：黎

<sup>308</sup> 麗藏：惡道；永樂北藏及龍藏：地獄

<sup>309</sup> 麗藏：常；永樂北藏及龍藏：當

<sup>310</sup> 麗藏：利；永樂北藏及龍藏：利己

<sup>311</sup> 麗藏：念；永樂北藏及龍藏：乏



具、醫藥，汝等但當勤行佛道，莫貴世間財利供養。舍利弗，汝今善聽！我當語汝！若有一心行道比丘，千億天神皆共同心，以諸樂具欲共供養。舍利弗，諸人供養坐禪比丘不及天神。是故，舍利弗，汝勿憂念不得自供養<sup>312</sup>。佛真教化當隨順行，莫以第一義空出入<sup>313</sup>過惡。何以故？舍利弗，大險<sup>314</sup>難者所謂得空。或有比丘因以我法出家受戒，於此法中勤行精進，雖諸天神、諸人不念，但能一心勤行道者，終亦不念衣食所須。所以者何？如來福藏無量難盡。

「舍利弗，如來滅後，白毫相中百千億分，其中一分供養舍利及諸弟子。舍利弗，設使一切世間人，皆共出家隨順法行，於白毫相百千億分不盡其一。舍利弗，如來如是無量福德，若諸比丘所得飲食及所須物趣得皆足。舍利弗，是諸比丘應如是念：『不應於所須物行諸邪命惡法。』」

「舍利弗，若納衣比丘，於糞掃中拾取弊故，應生是心：『以此障寒及修聖道，我今以此弊故，縫作僧伽梨<sup>315</sup>著，勤行精進。若以凡夫，乃至一

<sup>312</sup> 麗藏：供；永樂北藏及龍藏：供養

<sup>313</sup> 麗藏：人；永樂北藏及龍藏：入

<sup>314</sup> 麗藏：嶮；永樂北藏及龍藏：險

<sup>315</sup> 麗藏：梨；永樂北藏及龍藏：黎

夜不應著此。』是比丘淨洗<sup>316</sup>縫著。若此比丘於此納衣生貪著意<sup>317</sup>，即應捨之，我不聽著，何況餘衣？何以故？舍利弗，是比丘於此衣中，生非比丘法。是比丘不復應著，何況餘物？舍利弗，時是<sup>318</sup>比丘寧以赤熱鐵鑊自纏其身，不應著此納衣。何以故？於此衣中染愛心故。

「舍利弗，納衣比丘應作是念：『著此納衣，以遮寒熱以助修道，我今不復更著餘衣，當得須陀洹果、斯陀含果、阿那含果、阿羅漢果。』舍利弗，如是納衣比丘專求道者，我則聽著。

「舍利弗，乞食比丘，應諸法中無所分別，常攝其心不令散亂而入聚落，以諸禪定而自莊嚴，乞食得已心無<sup>319</sup>染污，持所得食從聚落出，在淨水邊可修道處，置食一面，洗脚而坐，以食著前，應生厭離想、不淨想、屎尿想、臭爛想、變吐想、塗瘡想、厭惡想、子肉想、臭果想、沉重想。又於身中應生死想、青想、脹<sup>320</sup>想、爛壞想。舍利弗，比丘應生如是想，以無貪著心然後乃食，但以支身除飢渴病，令得修道。應作是念：『我食

<sup>316</sup> 麗藏：浣；永樂北藏及龍藏：洗

<sup>317</sup> 麗藏：心；永樂北藏及龍藏：意

<sup>318</sup> 麗藏：是時；永樂北藏及龍藏：時是

<sup>319</sup> 麗藏：不；永樂北藏及龍藏：無

<sup>320</sup> 麗藏：膿；永樂北藏及龍藏：脹



此食，破先苦惱不生後苦，心得快樂調適無患，身體輕便行步安隱。』又念：『食此食已，我應當得須陀洹果、斯陀含果、阿那含果、阿羅漢果、無生法忍。』舍利弗，比丘如是食者，我聽乞食。

「舍利弗，若乞食比丘，於所得食生貪味心，以為甘美而作是念：『我食此食，當得好色氣力充盛。』不作是念：『我食此食勤行聖道。』如是比丘我乃不聽受一飲水，何況飲<sup>321</sup>食？」

「舍利弗，若於食中，不見過惡，不見出道，而便食者，寧自以手割股肉噉。何以故？我聽行者、得者受他供養，不聽餘人。舍利弗，云何名為行者？若有比丘決定發心：『我於今世斷諸結使，當入無餘涅槃。』修習聖道如救頭然，又當除斷不善惡法，是名行者；又能一心信解空、無相、無願，為得須陀洹果、斯陀含果、阿那含果、阿羅漢果斷諸煩惱，名為行者；求諸善法常行諮問，名為行者；又能發心度脫一切，名為行者；勤心修習諸助道法，於諸法<sup>322</sup>中如說而行，及有一心求佛道者，舍利弗，於佛法中是名行者。

「何謂得者？謂得須陀洹脫三惡道，名為得者。斯陀含、阿那含、阿羅漢，斷諸煩惱，求道

<sup>321</sup> 麗藏：飯；永樂北藏及龍藏：飲

<sup>322</sup> 麗藏：經；永樂北藏及龍藏：法

已息，所作已辦，善學三學，是名得者。我聽是人得受供養，是人若受供養，是名善受供養。

「舍利弗，清淨持戒者、開化檀越者及修多聞讀誦經者，謂讀修多羅、祇夜<sup>323</sup>、授記經、伽陀、優<sup>324</sup>陀那、尼陀那如是諸經、本生經、方廣經、未曾有經、阿波陀那、論議經，是人久<sup>325</sup>能清淨持戒，無有瑕疵，不垢不濁，自在不著，智者所讚，能自具足，隨順禪定，常<sup>326</sup>樂坐禪，如是比丘我亦聽受供養。

「舍利弗，身證法者無有疑悔，我聽是人高座說法。雖是凡夫清淨持戒，心不貪著外道經義，一心勤求沙門上果，不貪利養善巧定說，多聞廣喻猶如大海，乃至失命猶不妄語，不樂諍訟自利利他，唯說清淨第一實義，所說如是亦如是行。舍利弗，如是說者我聽說法。

「如來所說能使諸法不相違逆，謂說戒、定、慧、解脫、解脫知見。舍利弗，求利比丘，為佛出家而破戒品，何用說法？何以故？舍利弗，我經中說：『若人自不善寂，自不能護，能令他人善寂自護，無有是處。如人自沒污泥，欲出他人，

<sup>323</sup> 麗藏：讀誦修妬路、岐夜；永樂北藏及龍藏：讀修多羅、祇夜

<sup>324</sup> 麗藏：憂；永樂北藏及龍藏：優

<sup>325</sup> 麗藏：又；永樂北藏及龍藏：久

<sup>326</sup> 麗藏：時時；永樂北藏及龍藏：常



無有是處。若人能自善寂，能自護，能<sup>327</sup>出污泥，欲出他人，則有是處。』是故，舍利弗，我今明了告汝，誹謗如來其罪不輕，實語比丘應聽說法，非妄語者持戒比丘，則能法施。

「舍利弗，高座說法決定斷疑，最是上事。若持戒不淨著外道義，我則不聽。及妄語者、貴世樂者、求利養者、樂諍訟者，我則<sup>328</sup>不聽。我聽淨持戒者、質直心者、通達諸法實相者，高座說法。

「舍利弗，破戒比丘寧當捨戒，不著聖人相袈裟覆藏罪垢，密作眾惡受人信施。舍利弗，以<sup>329</sup>小因緣而於久遠受地獄身！」

## 囑累品第十

爾時，阿難白佛言：「世尊！當爾世時，諸比丘等於善法中云何精進？」

佛告阿難：「且置莫問！所以者何？佛無量智所說經典，爾時比丘尚不能信，況能勤行？阿難，如來於有為法中所有智慧，一切辟支佛、阿羅漢等不能得<sup>330</sup>解知。阿難，如來所知法，若為

<sup>327</sup> 麗藏：能；永樂北藏及龍藏：能自護，能

<sup>328</sup> 麗藏：亦；永樂北藏及龍藏：則

<sup>329</sup> 麗藏：以；永樂北藏及龍藏：云何以；校勘：以

<sup>330</sup> 麗藏：能；永樂北藏及龍藏：能得

汝說，汝則迷悶，何況是人當能信之？如來於今說如是經，爾時癡人猶尚不信，何況能信<sup>331</sup>所說罪報？阿難，法應當爾<sup>332</sup>！自身是惡謂餘亦惡，如今第一懈怠比丘，爾時第一精進比丘所不能及，若所持戒威儀智慧不得相比。如來若說此人所行一切過惡轉身所受，是人不信，更起重罪。汝等若聞亦得憂怖，不能量其所受罪惡。阿難，如來深法受者難有。於意云何？好床茵褥，豚子樂不？」

「不也。世尊！」

「阿難，我阿耨多羅三藐三菩提此法深妙，智者所樂，是人不能信解通達，得出家已，自稱沙門，不能堪受如實教化，於此法中不能修心，不得滋味，振手而去墮在惡道，猶如豚子捨好床褥。何以故？阿難，是我阿耨多羅三藐三菩提甚深清淨，非難化者所能信解，難降伏者、無智慧者、難滿者、難養者、破戒者、難與語者、住邪法者、行邪行者、貴財利者、以衣食為上者、破威儀者、破戒德者、墮頂者、弊惡者、懈怠者、小欲者、小精進者、無羞者、耐羞者、忽忽營事業者、沙門中旃陀羅、沙門中白衣、沙門中敗壞、

<sup>331</sup> 麗藏：信；永樂北藏及龍藏：行；校勘：信

<sup>332</sup> 麗藏：當爾；永樂北藏及龍藏：爾；校勘：當爾



沙門中行邪道者、非沙門自言是沙門者、魔所吞者、與外道義合者、不如說行者、樂眾鬧者、樂散亂語者、具有魔事者、魔<sup>333</sup>衰惱者、煩惱熾盛者，我見者、人見者、眾生見者、顛倒者，於我此法若能信解通達，無有是處。何以故？阿難，我阿耨多羅三藐三菩提清淨快樂<sup>334</sup>，與此惡人不相稱可。阿難，譬如百千億三千大千世界中間曠遠，此弊惡人遠沙門法猶尚如是，況除煩惱<sup>335</sup>得涅槃？

「阿難，如此事者，說不可盡。當來沙門，弊惡鄙賤，深懷慳貪，深懷瞋恚，深懷不信，三毒熾盛，心行麤獷，難可制御。阿難，譬如良田善熟，以火自燒，甘膳<sup>336</sup>美食而自著毒；舍宅所有以火自焚，為應爾不？」

「不也。世尊！」

「阿難，如是未來世癡人，因以我法得受供養，而不信解如來功德，又不能信如是等經，不能堪忍如實說過，自知瘡疣而逆我語。如是癡人依佛自活，而逆是法。阿難，爾時閻浮提內，如是癡人充滿其中。阿難，且置！何用求此愚癡惡

<sup>333</sup> 麗藏：魔所；永樂北藏及龍藏：魔

<sup>334</sup> 麗藏：大；永樂北藏及龍藏：樂

<sup>335</sup> 麗藏：得順忍？況；永樂北藏及龍藏：除煩惱

<sup>336</sup> 麗藏：饌；永樂北藏及龍藏：膳

人徒生徒老所行惡事。」

爾時，阿難白佛言：「世尊！當何名此經？云何奉持？」

佛告阿難：「此經名為佛藏，亦名發起精進，亦名降伏破戒，亦名選擇諸法。當奉持之。」

「阿難，若人誦持是經，所得功德無量無邊。所以者何？破戒比丘尚不能信、讀誦教人，況於是中得歡喜心？何以故？阿難，譬如惡賊於王、大臣，不敢自現盜他物者，不自言賊。如是，阿難，破戒比丘成就非沙門法，尚不自言是惡，況能向餘人說，自言罪人？阿難，如是經者，破戒比丘隨得聞時，能自降伏則有慚愧，持戒比丘得自增長。」

說是經時，無數諸天於諸法中得法眼淨，惡魔及諸眷屬皆大憂惱，如墮十六種火<sup>337</sup>坑，大啼哭言：「瞿曇沙門知我覺我，我常長夜。願佛滅後，破持戒者、助破戒者，欲令諸惡比丘不知佛法，但知讀誦。我欲於佛法中破安隱心，語言此非佛法無有義趣。瞿曇於今在諸天人大眾之中，守護是法，遮我所願。」魔說此已，心懷憂<sup>338</sup>惱忽然不現。

<sup>337</sup> 麗藏：大；永樂北藏及龍藏：火

<sup>338</sup> 麗藏：懷憂愁；永樂北藏及龍藏：心懷憂



爾時，世尊欲明了此事，而說偈言：

我所說諸法	隨順第一義
有為不堅牢	如夢之所見
我今說此法	呵責未來事
隨順第一義	防制諸惡人
爾時惡世中	比丘心擾 <sup>339</sup> 動
諍訟生是非	不能得涅槃
沙門及白衣	所說無有異
爾時我此法	與俗法無別
為諸在家說	汝知我希有
我得於佛法	初道第一果
更有比丘言	我說不異是
此人與我同	我真見法者
見法不見者	為致白衣故
各於自法中	而生其議論
有言一切有	有言一切空
不住於正道	性惡毀我法
汝勿近是人	可來親附我
為汝說真法	如我疾得道
如是諸音聲	流布於遠近
同心相黨助	破我所教法

<sup>339</sup> 麗藏：燒；永樂北藏及龍藏：擾

譬如諸惡賊 同惡共為侶  
返<sup>340</sup>逆破國土 城邑及聚落  
爾時諸比丘 難可得開化  
鈍根深貪著 少<sup>341</sup>智依我人  
不解於如來 隨宜所說法  
說有漏增上 自言是得道  
在於大會中 多有諸比丘  
皆言有智慧 求智無一人  
若是大會中 或有一比丘  
如實有智慧 皆呵言無智  
諸天神等見 法王道散壞  
咸皆懷憂惱 相對而啼泣  
中有諸樹神 從樹而墮地  
咸言釋師子 妙法今悉壞  
佛寶法僧寶 在世猶未久  
如何於<sup>342</sup>今日 悉皆當散壞  
我等不復聞 如來所說法  
癡愚<sup>343</sup>無所知 上道今將滅  
爾時諸地神 皆出大音聲  
如來大法炬 於今當滅盡

<sup>340</sup> 麗藏：反；永樂北藏及龍藏：返

<sup>341</sup> 麗藏：少；永樂北藏及龍藏：小；校勘：少

<sup>342</sup> 麗藏：於；永樂北藏及龍藏：以；校勘：於

<sup>343</sup> 麗藏：冥；永樂北藏及龍藏：愚



諸天諸神等 後莫有所悔  
而言不見聞 佛道今已滅  
如來無量劫 自利亦利人  
忍受諸苦惱 發願得成佛  
釋師子大聖 度諸眾生者  
清淨微妙法 今將欲滅盡  
癡惡諸賊等 於今當得力  
無有慈愍心 互相謗毀惱  
魔使及魔民 鈍根難開化  
諂曲懈怠心 瞋恚壞佛法  
但以<sup>344</sup>空林中 坐禪滿三月  
自言是羅漢 無禪況得道  
不得言得道 死言入涅槃  
眾人信起塔 而自入地獄  
如是癡空者 互共相輕恚  
我於無量劫 所得今盡壞  
爾時虛空神 共見釋師子  
妙法毀壞信<sup>345</sup> 發聲皆啼泣  
四天王聞此 皆共懷憂惱  
時與諸天神 僉皆共來下  
阿羅迦槃城 夜叉神眾來

<sup>344</sup> 麗藏：於；永樂北藏及龍藏：以

<sup>345</sup> 麗藏：妙法毀壞敗；永樂北藏：沙法毀壞信；龍藏：妙法毀壞信

僉皆大啼哭 出可畏音聲  
有諸七寶城 嚴飾極微妙  
失色皆如土 諸天不樂住  
悲號大啼哭 處處皆來集  
各共懷憂惱 相見不能言  
宛轉臥在地 發如是音聲  
共行閻浮提 見是大怖畏  
佛子共<sup>346</sup>鬪諍 破法<sup>347</sup>而分散  
皆從天上來 共詣我生處  
天神諸寶城 七日無光色  
各共坐啼哭<sup>348</sup> 滿七日不起  
如何大精進 勇猛世間尊  
我等見住此 今當不復見  
咸共詣祇洹 相對而啼哭<sup>349</sup>  
佛此說四諦 我等此中聞  
世間將盲冥 互相輕恚慢  
但起諸惡業 還墮於惡道  
諸天妙宮殿 可惜今將空  
我等諸天神 無復救度者  
爾時閻浮提 毀壞無威色

<sup>346</sup> 麗藏：共；永樂北藏及龍藏：自；校勘：共

<sup>347</sup> 麗藏：法；永樂北藏及龍藏：壞；校勘：法

<sup>348</sup> 麗藏：泣；永樂北藏及龍藏：哭

<sup>349</sup> 麗藏：泣；永樂北藏及龍藏：哭



經行處樹下 山窟無善人  
一切諸世間 悉皆大擾<sup>350</sup>動  
諸天及大神 音聲可怖畏  
爾時忉利天 舉手大悲哭  
各於宮殿中 發聲而呼喚<sup>351</sup>  
諸天宮殿中 皆稱說我言  
永離大聖王 為我說法者  
忉利天六月 不食修陀食  
不聽妓<sup>352</sup>樂音 憂愁如喪子  
諸阿修羅眾 聞有如此事  
皆共相命集 欲攻忉利天  
時諸閻浮王 皆共相征罰  
諸天阿修羅 亦皆共戰鬪  
爾時諸比丘 及諸比丘尼  
多墮惡道中 少有得免者  
破戒諸白衣 隨順惡<sup>353</sup>比丘  
以是因緣故 皆趣於惡道  
諸惡優婆夷 隨順惡師故  
亦復入惡道 世間皆擾<sup>354</sup>動

<sup>350</sup> 麗藏：燒；永樂北藏及龍藏：擾

<sup>351</sup> 麗藏：號哭；永樂北藏及龍藏：呼喚

<sup>352</sup> 麗藏：伎；永樂北藏及龍藏：妓

<sup>353</sup> 麗藏：惡；永樂北藏及龍藏：諸；校勘：惡

<sup>354</sup> 麗藏：燒；永樂北藏及龍藏：擾

有入城聚落 有至山林中  
東西懷憂惱 以損其壽命  
爾時多惡賊 多有諸險<sup>355</sup>道  
種五穀不生 若生蟲所食  
爾時世人民 飢饉多餓死  
死墮餓鬼中 久受諸苦惱  
時人施佛物 塔及四方僧  
輒皆共分食 我後僧如是  
阿難汝等當 勉力勤精進  
莫見後末世 如是眾惡事  
一切諸凡夫 愚癡無有智  
起諸凡夫業 疾墮惡道中  
汝等勤讀誦 是名智慧因  
若為智慧護<sup>356</sup> 疾得至勝處  
我學世正見 汝亦如我學  
斷世障礙事 疾得至勝處  
勤行八聖道 當疾得涅槃  
思量求自利 我所說如是  
是劫過去後 六十劫無佛  
尚無佛音聲 況有得道者  
時世諸人民 飢餓所逼切

<sup>355</sup> 麗藏：嶮；永樂北藏及龍藏：險

<sup>356</sup> 麗藏：故；永樂北藏及龍藏：護



無有孝慈心 食母食兒肉  
時諸家生子 常護恐他食  
誰聞是惡事 復起生死業  
諸苦癡為本 五欲<sup>357</sup>貪為本  
若不樂五欲 當斷諸貪著  
受福果報時 深生貪著心  
貪著因緣故 起惡墮惡道  
無漏法空寂 世間無牢固<sup>358</sup>  
若知如是者 汝等應疾行  
無心生心想 而自大驚畏  
我為作不作 是事為云何  
如是諸凡夫 思惟而籌量  
我當云何作 如是常啼哭<sup>359</sup>  
無陰生陰想 無我生我想  
聞自相空法 如是亦迷悶  
不知佛如實 所說諸陰義  
聞則以為定 畏處無畏想  
我說去來今 諸陰皆空寂  
三世悉平等 猶若如虛空  
所有過去佛 亦說自相空

<sup>357</sup> 麗藏：陰；永樂北藏及龍藏：欲

<sup>358</sup> 麗藏：堅；永樂北藏及龍藏：固

<sup>359</sup> 麗藏：泣；永樂北藏及龍藏：哭

未來世諸佛 亦說自相空  
我今出於世 亦說一切法  
自性自相空 三世無有異  
當來人不知 佛所說實義  
貪著我眾生 常墮三<sup>360</sup>惡道  
當來世如是 大惡甚可畏  
汝等勤精進 莫見是惡世

佛說此經已，長老舍利弗及諸比丘眾<sup>361</sup>，一切世間天人大眾，聞佛所說，皆大歡喜，信受佛語。

佛藏經卷第四

<sup>360</sup> 麗藏：於；永樂北藏及龍藏：三

<sup>361</sup> 麗藏：比丘；永樂北藏及龍藏：比丘眾



## ● 結誦儀

### 補闕真言

(三徧)

南無喝囉怛那. 哆囉夜耶. 佉囉佉囉. 俱住俱住.  
摩囉摩囉. 虎囉. 吽. 賀賀. 蘇怛拏. 吽. 潑抹拏. 娑  
婆訶.

### 補闕圓滿真言

(三徧)

唵. 呼嚧呼嚧. 社曳穆契. 莎訶

### 普回向真言

(三徧)

唵<sup>一</sup>娑摩囉<sup>二</sup>娑摩囉<sup>三</sup>彌摩曩<sup>四</sup>薩哈<sup>呼馬切</sup>囉<sup>五</sup>摩訶<sup>爻上聲</sup>咱<sup>六</sup>  
哈囉吽<sup>六</sup>

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

## 禮佛發願文

(一徧)

歸命十方調御師 演揚清淨微妙法  
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤，仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蜎飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普



賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

## 迴向偈

（一徧）

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。

## 三皈依

(一徧)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪



南无护法韦驮尊天菩萨

